

晚晴籟詩匯

第三六册

晚晴詩匯卷九十三目錄

王汝璧 十七首

尹壯圖 一首

孫志祖 二首

沈世煒 一首

謝垣 一首

汪孟錡 十首

閻循觀 一首

管幹珍 三首

李殿圖 三首

姚頤 二首

牛稔文 一首

唐樂宇 四首

朱琰 七首

陳樽 三首

唐文灼 一首

周恭先 二首

張映宿 二首

洪榜 二首

李元滬 六首

趙大經 一首

唐金 一首

路邵 一首

王辰順 一首

錢九府 四首

宋赫 三首

莊忻 一首

徐天柱 一首

陳嗣龍 二首

鄭際唐 一首

伊朝棟 十三首

吳壽昌 四首

任大椿 九首

鮑之鍾 八首

潘奕雋 七首

張塤 五首

李因培 二首

陳庭學 二首

張翹 一首

陳昶 二首

朱紉蘭 一首

魯仕驥 三首

晚晴移詩匯卷九十三

徐世昌

王汝璧字鎮之銅梁人乾隆丙戌進士官至刑部侍郎

有銅梁山人詩集

詩話鎮之爲錢文端之壻弱冠所爲詩每一篇出輒爲文端激賞當時有快壻清才之目少受沈歸愚及香樹老人詩教及通籍後與程魚門錢南園聯會賦詩時稱巨擘服官內外每移一地擢一官皆自爲集其詩專學昌黎夏夏獨造力沈凡庸但喜押險韻時有附會

納涼

蕙風吹暗綠荷露落輕陰卽此成幽賞因之寄遠心褰衣看紵縞仰面數辰參不覺涼生掖裴裊月上簷

七夕和昌谷韻

果然天外事茫惚使人愁纖月不照地流螢時上樓暗光

日知錄卷之三
零砌草微響動簾鉤浪喜從兒女桐風自報秋

乙酉人日

曉卧不成夢空雲凝晝陰漸多離別感不盡去來心綵勝
敬愁鬢春風祕古琴情懷只如此刺促又從今

同士會兄入南屏山訪大恆讓山兩和尚遂宿讓公
山舫并讀前後諸集同用東坡上巳出游韻索恆

公和

走來一路曼陀雨打包直入南山塢高巖長鬣兩詩僧對
面橫譏雜嘲侮笑看居士衣上花漫說闍黎齋散午讓公
讓我山舫眠天親兄弟到爾汝趙州茶熟芋火殘鸞漂風
泊風窻舞省卻伊雅欵乃聲曾無繡被焚香苦卧游坐穴
一榻雲遽遽便作遽廬主無臺明鏡涵髻螺不費金錢看

眉嫵可信三生慧業人亦復清虛亦塵土平生不讀寒山
詩何意踏破蔬荀圃身不及膽凝于神羚羊角上卓錫所
筆尖香界眾相呈蛇神牛鬼時花女詎獨支遠已贊休昌
黎老子頭亦俯不到聖處吾未能鋪糟更借香廚煮此心
未必如石頭尙解逢僧作軟語肯將文字縛戒禪莫負湖
光徹天宇儒臞禪悅同兒嬉彌勒龕中腹爲鼓結社便呼
小剎川維摩不言已心許連朝巢飲木不顯幾夜風行坎
無阻不管長鯨與寸莛急課晨鐘來報子

客平昌兩次皆苦霖雨撥悶成什

暗雨過亭午羈愁連夜分龍鍾千个竹狼藉一山雲冷燐
依檠動奇鶴逼枕聞曉看舊巾角又是瘴蘊蒸

平昌縣滯雨感懷時士會兄歸蜀壁將返檣李

一片浮雲暗路歧忽成西笑忽東悲差池別燕難爲語三
匝慈烏更有枝游子忍能題遠志春風不管怨將離懷歸
何處歸猶客一種深情各自思

邀子田過守陂飲卽送歸興化

役勞勞此生夢寐積塵埃兀對多遐思何緣得欣賞淮南
樂託人歲費屐幾兩每同社燕來旋與殘春往繫彼江上
舟稍就林屋爽主人方據梧寔然一拊掌顏色似老蒼風
骨更巖崑深談移夕陰古意澹相餉老藤垂晚花新篁發
疏響昔年醉歌處月影自恹悅散聚一轉移今昔足俯仰
忽焉感晨星孤思落雙槩月斜情已馳酒醒意殊惘摻手
話後期低頭費深想

和昌黎短鐙檠歌

短檠何短秋夜長夜分兀兀凝青光緣階射砌候蟲發欲
施不施生秋涼桁上無衣盎無粟有鐙著壁花照牀牀頭
太息讀書客不信謀生竟無策推書起視天宇蒼案戶明
河大星白後之視今今視前繁憂輾轉安得眠長檠長檠
胡自恣照耀空花亂春翠仙人燭樹吹作煙區區長檠何
足棄

雪夜郊行口號

夢向瑤階月下行相逢人是許飛瓊含春笑語空千里瑩
骨清寒過一生定有雲歸三峽遠那無衣似五銖輕不知
鄧尉梅花色何似燕臺柳絮情

秋夜同人小集水月亭用昌黎曲江荷花行韻

連天白露秋山淨山光在水天如鏡方亭團坐三五人案

戶天河正當正波心倒映台符六三朵紅雲爛盈目星冠

翠蓋來娑娑世間尤物原無多池蓮僅放三枝吳郎拍徧普菴咒

吳瞻巖善琵琶張生唱出西州歌張芝厓誦古詩我舞巴歛慚下里碎玉

噴珠落池裏金波杳杳月未來呼之不出聊舉杯紅鐙翁

耗夜珠泣蓮花欲落鐙花開好待銀蟾推駕玉輪出青天

碧海昔昔相趨陪

偕芍坡繡以游趙州柏林寺用昌黎山石韻寺有虞世南大

書攀龍鱗附鳳翼二碑殿壁有畫水相傳爲吳道子畫或云吳小隱筆

水光定相何精微咫尺萬里洪濤飛龍騰鳳翥永興筆率

更太瘦常山肥千秋書畫此雙絕吳仙名字還依稀柏林

老佛去已久茶香尙可療朝飢雛僧八十瘦如鴿坐看凍

晷關柴扉松明活火燒石鼎滿庭柏子香霏霏曼殊寶地

花沒膝諸天龍象紛成圍笑我枯腸自搜索霅然風雨生
裳衣從游侗儻得二子如出洼水新受轡乘風破浪自茲
始瀛海蕩蕩相依歸

八蜡廟會歌用昌黎汴泗交流韻

天雄城西曉吹角黃雲撲面風如削迎年土鼓來池池叢
祠古瓦飄靈旗貓虎踞箕對騁怪索饗便似神工爲釀金
報饗年年定百貨駢羅共輝映日中列肆光陸離齊商晉
賈連鞍羈彈箏擊筑樂復樂得錢沽酒相逐馳俗恬歲美
時多暇忼慨聲中民氣化寒飈纖颯雪片麤佺儺百隸交
歡呼阜財待續貨殖傳樂事寫入幽風圖穰穰滿家洵難
得朝無索逋夜無賊

春陰

弱柳悵悵慘翹塵流雲忽忽駐苔茵凌兢曉色留殘夢料
峭餘寒勒閨春細雨暗遮微醉客好花紅近倚樓人端居
莫漫增愁思待看甘膏潤物新

過車騎關

盡日顛風不肯停吹花擘絮滿郊坵荒荒野色無邊白黯
黯春痕未了青犂確當關排澗石蜿蜒引勝接林亭黃雲
瘦馬邯山道長笑仙人喚不醒

雨夜用謝惠連秋懷韻

農功亦旣成霖雨迺無患忽忽雲向陰耿耿秋未晏昨宵
天宇澄起視明星爛碧漢或浮豕夢雨先帶雁蟋蟀織虛
堂蟪蛄挂塵幔音書憂喜雜氣候暄寒半泥塗浩縱橫期
程昧籌算沒車馳不休日馭行且慢策勳羨榮名素食愴

薄宦趨事亟奔走餘情愜眺翫放懷當秋岑攄志寄雲翰
偶憩花木清不涉絲竹亂徙倚足相羊風雨積昏旦時序
未覺遷雲物一何煥晨風無近心鳴鶴有幽歎獨有吹幽
人羔酒樂親串

雨後望千佛山

巖巖神嶽開朝霞冠裳羅列天孫家會巒北拱作屏衛曰
稽帝力欽重華山人終古事耕鑿深居時復游麇麇題名
千佛昧所始神斤鬼斧誰搜爬十方刹土不可計各各會
合來無遮自然師子交露帳一塵一佛參兜沙祇洹具足
曼陀雨大地涌出青蓮華我來渴仰一無語兩行古柏森
排衙堂皇愔愔似方丈指麾灑雨驅藥叉此邦吏敝民亦
窳如一箴艾砭癥瘕刑期無刑辟止辟我聞如是非毘邪

明詩彙言圖考卷之十三
五
但呪鉢雲作甘雷長我黍稷滋桑麻河澨澨瀾各遵軌毋
使赤子爲魚鼉佛天錫福我弭患茫茫願力眞無涯

小除夕大雪

驅儼越越紛踏沙虎皮四目森排衙誰將七十二泉水一
夜翦作連天花雨風颺颺溼鼓震山坳怪石填人家凍雲
沈沈黑如墨月明霜白驚昏鴉元亭有客夜吐鳳筆花硯
兩何滂葩枯腸正要酒脯祭白眼不待金篋肥旂檀丈室
結繆篆松明石鼎煎苦茶但看玉屑落塵尾豈有銀杯隨
馬搗冰壺涸沍春欲透野田凍雀休啁嗟輿輶載糗笑多
事短檠吐燄如彤霞

尹壯圖號楚珍蒙自人乾隆丙戌進士改庶吉士授主
事累官內閣學士兼禮部侍郎銜降禮部主事加給

事中銜

詩話楚珍改禮曹居諫院有聲自僕少擢開學時相秉政相習爲侈泰楚珍疏言諸行省倉庫空虛商民感額愁歎忤裕陵旨令從侍郎慶成察諸行省倉庫至其地慶成輒先游譏徐俟有司彌縫及檢察則一無虧缺楚珍坐妄言左遷遂請告歸里仁廟親政以其言伉直召入對知其母年逾八十加秩視給諫仍令歸養許上疏言事居數年卒於里中

題師荔扉春宵佇月圖

科頭散步立閒階
繪出蕭然曠土懷
別有逸情凌海嶠
無須近水羨樓臺
崢嶸玉樹香凝砌
瀟灑芸香淨絕埃
翹首問天頻煮酒
幾時邀得二人諧

孫志祖字詒穀又字頤谷號約齋仁和人乾隆丙戌進士授刑部主事歷官御史有頤谷吟藁

詩話頤谷有夙慧兼通羣經正王肅之僞撰家語疏證蒐謝承之佚撰後漢書補正又輯風俗通佚文補

文選李氏注嘗繪深柳勘書圖自題二絕句曰劉向揚雄今不作校書難比著書難金根日及愁多誤莫妄雌雄子細看謝承後史誰曾覩應劭遺編僅有存排纂苦心忘歲月柳花如絮記春痕

過南陽

天低湖水闊浩淼入空冥帆影有時側風聲不可聽人家依淺岸野艇狎浮萍此地經過數今疑到洞庭

落葉

秋霜一下眾林萎葉落成堆未掃時流水年華人易感辭柯消息鳥先知小園竹徑風聲寂遠樹柴門日影移莫道婆娑生意盡憑闌點筆好題詩

沈世煒字吉甫號南雷又號沈樓仁和人乾隆丙戌進士改庶吉士歷官禮部郎中有澹俱齋詩集

再過郎岱恭朗軒司馬招飲蓼魚亭卽席率賦

徽省相親憶昔年重教兩度續前緣茅亭小築依苔徑山
雨初來響石泉萬里征塵銅鼓外一尊鄉思鏡湖邊多君
念舊情彌切欲別重留意悵然

謝垣字再東號東君嘉善人乾隆丙戌進士官刑部員
外郎有壺領山房葉

嘉禾寓中聞秋蟲

何處瓜畦絡緯聲虛堂敲枕正三更旅人本少思鄉夢都
被秋蟲暗織成

汪孟錡字康古號厚石秀水人乾隆丙戌進士官吏部
主事有厚石齋集

王德甫曰康古與都御史金公德瑛親戚得其指教
者多又與萬孝廉光泰王西曹又曾錢少宗伯載相
剛切大抵叢書神說考核精詳翹然自異於眾
與其弟仲鈔以詩名江浙又通內典兼精術數

詩話乾隆初秀水多詩人諸家皆發源西江入輿出
新不落畦町而澤之以典籍範之以格律刊落槎枒
獨標名雋厚石在諸家中如
驂之靳尤與柘坡居士爲近

京口夜望

鐵甕秋風尙憶吳古來項口勢雄孤楓林色好迷煙霧雁
陣聲寒亂舳艫離立髻鬟堪北顧橫陳衣帶只東趨夜鏡
如畫憑闌仁城郭揚州得見無

題七姬權厝志後

魏公席卷弁山來赤龍船燒心膽灰飛礮忽碎丞相首榮
陽左丞何爲哉七姬自是良家子倉皇兵入姑蘇里君受
國恩應自理妾受君恩尙何俟一者先行餘盡起徘徊攬
腕今生已此時貴主知安在此際焚骸淚如水西門掩襲
又潛奔東城藁葬誰重徙巾幘由來愧丈夫終隨降將擲

戈父齊雲樓下通天火玉殞蘭摧恨不殊鍾繇之書埋百
年宋克書摩挲一再重惘然吁嗟乎廟無觚稜冢無突上
虞孝溧陽貞後先永永銘堅石

送穀原之太平

伊人愛江行越舸喚平底霜風挫倒生尙有樹如薺渺想
滴翠軒主情厚兄弟亦知季女飢豈必餘祿米留連感黃
菊九井秋容洗白仙島亦佛墓棘見應涕蕪湖西北流逆
泝此程遞斗酒照寸心今宵足且抵

喜柘坡至

日日西山翠掃空豈知我友在山人言河漢宜清淺秋
近重陽未雨風何代石經刊不朽一時芒屨悔難同退尋
自是關胸次無礙京塵撥面紅

奉常金檜門姑丈招飲論詩有作

黃花滿徑秋蕭瑟太常齋期日復日不齋呼我同醉醒論
詩揮霍驚戶庭新詩句法出有自煙火凡間全吐棄自歎
倔強不諧俗我謂蘊藉盡如意枯腸沃酒須淮澠才薄敢
與誇代興別裁往往出心得益勿克違龜十朋霜風拂拂
上陵去敝篋空囊屬徒御健句攜歸得神助欲索解人誰
殆庶包羔烹鹿莫恩遽詩中至味我先飲

贈郭昆圃解元

曾過垂簾肆偏逢墊角巾文章工眊聒僕馬苦逡巡翠髮
丹顏日尋山問水身三頭應屬爾溫飽笑人人
欲出竟何詣仙宮息影高偶然箋爾雅不自賦離騷壯氣
懸孤劍寒心繫短袍秫田無恙在時共說鄉醪

爲陸守之題尊甫寒山舊廬圖次張文端公韻

一篇故相跡鑿邱乞和而今徧貴游
謫委欲翻千尺瀑嶽岑更上一層樓
再傳木石完無恙五載雲煙駛若流
此境此人殊足樂斯文斯畫迥生愁

友人南歸作家書

封罷開封淚滿彈夜窗梅雨逼鐙寒
到頭剩有平安在信筆方知慰藉難
好友多情煩再索癡兒解事定爭看
詩成亦擬郵筒付得句從來勝得官

天津查儉堂分守慶遠重建龍溪黃文節公祠賦寄
天津查君今豪士權守蠻荒天所使文章政事到古人
能使古人今不死誰遣涪翁住南樓赤腳承溜不言愁
樓前杜鵑叫鉤輅何時金雞赦九州生來羈管死戀留
部民獻

地廟祀修嘉定以後兵燹改丹霞不作此心在雲興雷集
傾一時山高水長望千載詩人萬子君故知妙賦南池工
部祠吾家仲弟才亦橫生好公詩如性命假若二子在世
閒定有傑句發天慳題成欲寄重歛萬里遙醉愁雲山
閣循觀字懷庭號伊蒿昌樂人乾隆丙戌進士官吏部

主事有西澗草堂集

詩話懷庭學行醇篤官考功守法謹嚴不稱
假借工古文治詩書春秋論語皆有箋釋

望孤山

山頂有伯夷叔齊廟

秋色天外黃昏望不迷中峯殘照在東麓一星低空翠
寒衣袂清風到杖藜平生慕真隱長揖謝夷齊

管幹珍字暘復號松厓陽湖人乾隆丙戌進士官至漕

運總督有松厓集

詩話松屋磊落使才不涉纖靡
在同時毘陵詩人中自成本色

太常仙蝶歌

世間蛺蝶亦無數，仙乎獨數太常署。自元以後不計年，適從何來何所去。昨冬長至除齋宮，奉常奏記關宸聰。詰朝栩栩出祕室，雪地頓覺春光融。官司驚告禮官喜，入視親呼飛。復起錦函恭進香案前，五色雲中閭闔啟。召詢始末，天顏開傳觀。九列謹如雷，錫名仙蝶送歸署。異數一日傳金臺，奎章煌煌記天筆。永與星雲燦東壁，金鰲退食賜和多爾雅。蟲魚記難悉，我聞壽愷之世無。瑞無歧行蠕動歸，洪爐燕知背。歲龜獻洛游，泳元化羣倫。俱況當南交，桂蠹西苑馬。緬甸馴象紛來下，非關微物應。時來別有神明格，天者不然漆園之夢。滕王圖銀鬚玉拍，隨秋枯何爲此蝶。

日知錄卷之三十三
獨壽世缺翅竟入承明廬豈逢南郊告大有有脚春生聖
人壽八旬天子慶無疆祝嘏明年徧環藪魚潛太液抱珠
游鹿放長春戴月啣蝶飛祇繞宮牆畔不向羅浮海外求

丹陽懷古

匯澤中江繞故城下襟揚越上巴荆銅符募士才丸土木
栝乘潮又被兵破竹勢成風自利銜刀讖應續空爭可憐
郭口千尋鐵不救孤軍化鶴聲

登城

午潮激灩綠波盈春樹人家雨後清草色滿營飛燕子落
花如雪獨登城

李殿圖字桓符號石渠又號露桐高陽人乾隆丙戌進
士改庶吉士授編修官至福建巡撫降侍講諡文肅

有番行雜詠

詩話文肅初自詞館入諫垣阿文成討亂回令督饌即除鞏秦階道兵後輕征徭弭反側招流亡民頌其德尋以勘界行邊深厯人蹟不到之地卒定界而還自是游攝至大府以奏事稽緩改四品京堂授中允遷侍講卒後復官同治中追謚旌舊勞也

番行雜詠

卻行祇覺馬蹏偏竟日微窺一綫天七十六盤彈指計到頭不信有人煙

昭靖當年自請纓納麟七站出奇兵依稀瘦瘠成禽處偉績千秋說沐英

羊嶺鵝溪古戰場黃頭九百赭礮房正嘉勦撫均無策漳臘何曾是大荒

姚頤字雪門泰和人乾隆丙戌一甲二名進士授編修

歷官甘肅按察使有兩春軒詩草

詩話雪門詩多放筆爲大篇氣勢浩瀚頗有長江大河泥沙雜下之概集中有與成哲親王酬唱之作王爲題集稱其才思高深學術博瞻至於法度氣體能熟文選理得老杜骨意欲細讀數日庶毋海空手寶山蓋官侍從日嘗從朱耶游也

觀大興師所藏宋槧施註蘇詩本敬題其後

漫堂昔鏤蘇詩集標名註者吳興施天吳紫鳳劇顛倒初
白菴主爲詬訾廬山真面在何許嘉泰遺槧空嗟咨歛然
滿堂色皆動誰其藏者今吾師司諫絕識名當時該洽助
以吳顧禧都梁太守廣年譜如善注選家學貽序筆親邀
渭南伯楷法特倩安撫司傅程官安撫使司是本其手書也不辭獨反烏
臺案要令家習眉山詩家有眉山詩宋宗贈勅中語我觀宋人所註
集頗多神明相護持臨川功臣雁湖李元代鐫梓今猶垂

黃箋陳疏重天社帙飄版落惟宋祁山谷更傳二史筆外

集別集全豹窺蘇之注者尤號夥唐趙沈黃俱劫灰梅谿

卅卷特完好請訛或恐贗鼎爲自非施家作述力景星鳳

皇爭睹誰惜哉十二仙人珮風煙縹緲何年飛施注原本

今止存正如橋李李太僕五百家注韓退之秀水李君實

三百卷見曝書亭集留餘僅此吉光羽彫殘又飽蟬魚饑

簡蟠科斗文字缺行亂蚯蚓形模敲雖然斷圭總至寶如

九石鼓餘慶歸吾師論詩脫曰蹊妙抉骨髓遺毛皮浣花

舊編已斷手師甫注笠屐新圖行洗眉他時雙壁照菽苑

明星千古開雲逵會當從師校且讀不數上客由儀詞朱

坤題宋氏本詩云上客爲

補由儀詞謂邵子湘也

開元鐵牛歌

大纜連連兩岸曳，牛人執鞭牛努力。大河汗汗四野流，黃沙裹牛牛人愁。厥初開元全盛日，朝貢合沓商旅溢。大編艘艦便車徒，河上三橋此其一。賦晉一鼓鑄，豈任合鐵幾。州牛始出四關之，西四河東柱作蒼擎。山作礪津迎天子，祀汾輿贊出從臣。大手筆壯哉此物，尤最負巨靈當頭那。敢叱自從高岸深，谷淪求牝求牡牛。失羣皇皇左牽右，誰挽落落孤渚四。今存今年秋漲地，輔裂蛟龍怒吼鼉鼉翻。長風助號濁浪底，老牛力竭吁何言。噫嗟乎呼汝以牛，應以牛汝身。雖鐵心不鐵，張公神劍有時合。象罔元珠求還得，何時八牛復舊觀。突兀便見對岸立，約束浮梁免漂泊。付與勾管使者重驅策，不然將伯無助何所庸。不如倏忽化作黃犢供三農，濁泥五斗腴所鍾。竚令家家年歲豐，我

亦從今不擬橫笛效野牧但願年年鞭春長作多牛翁

牛稔文字用餘號師竹天津人乾隆丙戌舉人歷官湖

南督糧道

訪冒園小坐

偶向清齋賦索居回頭三五少年餘仁嘗宦味新茶似久
歷名場鈍硯如談舊每思從老輩看花又喜到春初奚僮
怪我三更後貪讀平生未見書

唐樂字字堯春蘇竹人乾隆丙戌進士歷官南籠知府
有黔南詩存南籠遺藁

觀音碣

道路無平陂人心自夷險我來苦頻復韶華虛過眼流水
仍潺潺白日青霜慘心折散關西空山足重繭造次拔鯨

牙鼓勇吾亦敢掃石爾何人題詩破鬼膽

曉發劍閣

風雪年前慣崎嶇此再經雞聲催落月驢背帶殘星路入
仙山異林迷鬼火青耐寒無別計醉酒問旗亭

朝天關

愁聽奔雷百折灘峻峭閣俯江干戍旗落日關山迴鈴
鐸西風草樹寒煙外帆檣通廣漢雲中宮闕望長安題詩
莫漫愁孤絕千古魂銷蜀道難

畫眉關

剝松千尺捲風鬢苦竹叢深夜雨斑夾路清猿嗥不住銷
魂最是畫眉關

朱琰字桐川號笠亭海鹽人乾隆丙戌進士官阜平知

縣有笠亭詩集

陳曼生日笠亭先生爲嘉禾七子之一幸阜平以文術飾吏治著述甚夥有金華詩錄及陶說已刊行

舟經太湖指點湖山懷漁洋堯峯二前輩

疏鐘夜雨過楓橋鄧尉看梅泊畫橈愛煞漁洋好風調煙
鬟鏡黛擁寒潮

峻絕堯峯聳碧漪洞庭春好費相思輕帆一夜西風度霜
滿山圍唱橘枝

讀張楊園先生補農書作

學者急治生豈爲憂不足衣食無所求乃得立邊幅入世
重廉恥務本貴菽粟養心亦養身保身如保玉玉碎難再
完身失焉能贖桑田有典型種藝若先覺楊園非農家排
纂到耕牧殆恐士習移欲將古風復帶經本可鉏漢書挂

牛角從來英雄人大半兼耕讀

地員辨土宜管子精擘畫大略分三等有施長七尺以之
測土深高下定爲格其次亢倉子遺言亦可釋耕道計手
足苗行審強弱差不許毫釐皎若別黑白匪獨幽風圖可
以繪殿壁人滿旣可憂生事又相迫與其算鐻銖毋甯辨
菽麥樊遲非小人學稼今上策

或曰古四民最苦農在野佃種食餘粒年豐亦患寡被體
無完衣充腸只菜把商賈操奇贏鮮衣而怒馬往來雜冠
裳氣習同紈袴何必去市闡辛勤向里社嗟哉豈其然光
華石中火大抵起耕農基厚業難墮試看古田家吾鄉舊
風雅吾鄉詩人西村翁自號古田家住居村落不廢耕桑
至今幾二百年子孫數十家猶守其教無大富亦無
大貧衣冠櫟毋吟估客樂遂謂富人寄
素尙有古風

殷勤說重農農夫正在外今年歲不登未得饜粗糲八口
既嗷嗷百事皆昧昧種穀已無成出門走相勾回看市井
中昂昂坐牙僧販糶且爲豪居奇何足怪或又爲吾言眼
前見成敗不知此天災人事貴預備安得如農書精詳有
校計吾願爲老農教稼課殿最

武林晤錢松南

林

索余何義門校定文選本因與談

古今文體升降成長短句一章卽書其後

文選爛秀才半前人之言豈河漢後來文士卑六朝較羸
輾劉追陶姚那知高論起風雅徒使落筆空枝條華實自
相因根植可杼藻巍巍文選臺屹立不易倒東坡解事薄
小兒恐亦耳食未深討讀書種子得義門河源本會尋崑
崙刪經緝史有餘力迺復來闖曹劉藩目中一字不輕放

欲使臨文絕影響從茲論辨始見眞譬若片言折堂上吟
才今日傳湘靈夜照太乙然藜青十年好古有元本肯諗
明月遺秋螢

陳樽字酌翁海鹽人乾隆丙戌進士官新津知縣有古
衡山房詩集

金粟寺觀孫吳戰鼓同馬三

緯雲

吾四祖望賦

獨桑代作鼓剝取鼉皮蒙遠從炎漢未留駕梵王宮憶昔
喪亂初羣雄相交攻陣雲迷夏口烽火照江東艱難百戰
餘冀以樹豐功如何逞淫奢霸業轉蒿蓬蕭條金粟山臺
殿何穹隆六時聞梵放萬慮息虛空淵淵齋時鼓間茲清
夜鐘空堂但一振吼怒驚熊熊昔作三軍氣今伴佛鎧紅
世諦有時盡淨業無時窮懷哉闕塵劫誰復論英雄

荏平懷古

輕雲垂野弄春愁細柳含煙滯客轉亂後射書多慷慨酒
酣滅燭亦風流一時經濟思張鎬終古功名憶馬周明日
穀城山下路瓣香應復弔留侯

生子

少小性頑劣不知父母恩稍長事功名溫清忘晨昏百骸
俱強健寒衣而飢餐一朝試保赤始覺勞心魂嗚時候眠
食卧時察寒暄一日三摩挲身去心終存憶昔孩提日辛
苦親不言我今幸生子親又喜抱孫違論門戶託且冀宗
祧蕃得孫甚得子重復勞雙親雙親今白髮甘旨無兼珍
仰事堂上親俯育懷中人一身轉中立俯仰餘悲辛

唐文灼字見遠號藥洲晉甯人乾隆丙戌進士官孟津

知縣

官舍

官舍通村曲居人但掩關借貧堅酒禁留病伴春閒離思
孤雲外鄉心落照間便歸誰識得蕭颯改朱顏

周恭先字平山一字素芳新化人乾隆丙戌進士官建

水知縣

八月

八月清光迴登高覽薊邱島開滄海日天接太行秋畫省
風雲合煙城草樹浮冥冥千里外鷓鴣起中洲

和吳蘭柴過常山作

太行東下俯蒼冥正定城高壓井陘萬里河山歸睥睨百
年烽火靜郊坰遠帆落照滹沱水匹馬秋風麥飯亭欲訪

居人尋舊事酒帘垂處柳青青

張映宿字次南號鶴舫陽曲人乾隆丙戌進士官知縣
有鶴舫詩藁

涇州送外甥周樹棠歸省

匏繫邊城役迂疏誤此生相依惟汝在秋杪復登程病葉
吟風落孤鴻帶月征多愁涇水鳴咽送君行

連日勸君還臨歧又黯然天涯誰骨肉宦海滿秋煙逝水
千波疊寒雲萬壑連五陵家釀熟歡笑小春天

洪榜字汝登一字初堂歙縣人乾隆戊子舉人丙申召

試授內閣中書有初堂遺藁

詩話初堂邃於經學與同郡戴東原金輔之交最篤
惜其所著多未成書詩亦不多作今所傳者僅此蓋
亦吉光片羽也

秋河

秋城寒柝隱霜輦銀漢中宵望不迷耿耿正臨金闕直昭
昭還似玉繩低河山兩戒殷星鳥樓閣千家起曙雞萬里
鑿空勞博望天台原自有丹梯

秋蛩

秋聲萬種在風前聽到寒蛩倍惘然野舫正添三尺水夜
堂初種七條絃月殘東壁難成詠雨暗西窗未穩眠輪與
鄱陽姜白石獨吟愁賦寄遙天

李元滬字書源號舒園又號鶴坪密縣人乾隆戊子舉
人歷官靖州知州有楚南草昆海聯吟

憶東溪

浮家三十載舊宅亦何有徘徊松間月知憶主人否采采

菖蒲花何時復入手

棧道雜詩

地入褒斜道蟠空上杳冥千尋窺澗黑一綫束天青林影孤巖坐山風怪蟒腥魂傷北來客吁駭此初經

三極西南隔連峯走劍州亂山圍寶雉古驛過金牛馬絡秦雲溼天回漢水流曾聞叱馭使不共嶺猿愁

形勝當天險龍爭識故關鳥飛籌筆驛雲護定軍山世降英雄奮時清鎖鑰閒一聲嘯謝豹慘盡旅人顏

全身裹翠微重霧苦侵衣棧騎隨猿挂山泉學弩飛二分懸足窄九折入雲飛無酒饒徒御誰家白板扉

劍壁闌青蒼天風吹急裝俯身憑鳥背束馬度羊腸石氣霏成兩山精嘯有霜勒銘思在德休侈一夫當

趙大經號春禰德州人乾隆戊子舉人官武清知縣

游戒壇山贈寺僧達文

河流混混渡桑乾雲際朱樓指戒壇細馬一鞭忘犖礪春
衣重襲怯高寒塔中鈴語僧應解石上松髯客許攀欲向
名山詢故事多聞喜得見阿難

唐金字緘之號漢芝遵義人乾隆戊子舉人官屯留知

縣

詩話漢芝與養安傅竹莊玉書猶西樵法賢玉屏田
康侯均晉稱詩黔中稱猶傅田唐鄭子尹以為猶不
如傅傳不如田田不如唐近時陳松山給事則謂竹
莊稱首唐田肩隨惟西樵差後漢芝卒官竹莊哭以
詩有句日傷心應為難將母篤行誰當似友兄漢芝
初就校官其兄積齋錄知安州既卒千里歸其柩乃
乞縣養母竹
莊詩故云

書傅素餘詩卷後卽以贈別

與子同爲客歸途卻異天苦吟消驛路遠夢入江船離隔
又今日唱酬知幾年懷余應有賦取次續新編

路邵字健夫號毅齋畢節人乾隆戊子舉人官鄞縣知

縣

詩話畢節路氏自毅齋先生至余姑丈訪巖先生世以科第爲宰官治譜詩篇相承不替姑丈尊人漁賓先生宰洛時嘗編次先德遺詩三世五家爲蒲編堂遺集又附其師熊步雲小橋詩鈔於後旣彰祖德並著師資關潛發幽甚盛事也

卽景

雲邊樵徑草爲踪燕帶殘紅春意濃昨夜夢還家萬里今
朝愁對浪千重穿花飛出疏林鳥隔岸聲來遠寺鐘惟有
關山明月好一輪斜挂最高峯

王辰順字耕畬號葵塢西華人乾隆戊子舉人官南陽

教諭有葵塢先生遺藁

途中阻雨有懷

定有清明日晨昏恨久違母應思子切天似厭人歸風雨
隨征蓋泥塗漣客衣家貧連下第鄉夢逐雲飛

錢九府字南浦密縣人乾隆戊子舉人有南浦詩集

楊柳詞

行行東陌頭楊柳垂煙霧昨日我故人歸去從此路迢迢
東望眼全被汝遮住

別離曲

別離苦別離頃刻天一涯斟酌臨別語無使憶來悲日月
不停川不息安得男兒無驅馳聊將杯中物重訂歸來時
來春未爲晚所慮或愆期車馬侍道旁加策竟去之眼見

車遙遙不聞馬蕭蕭獨餘千重恨
壓斷萬里橋橋頭楊斷
還續祝爾早黃復早綠

修德觀問道碑

古觀猶存問道名遺碑孤立幾朝更
龍蛇隱現風雷斷最
屬摧殘稷黍平筆力饒能師逸少
文心加怪祖莊生神仙
不信真無死極目荒原弔廣成

送鄉人

送爾還鄉去西風作意寒人家
如我問莫道客衣單
宋赫字東野撫甯人乾隆戊子舉
人有東野詩草

初至山中作

振衣尋鳥道高步躡雲根
松隱來時路溪流轉處村
草痕青到寺山色碧侵門
不盡登臨興開軒對酒尊

建昌郭外

嫩柳垂垂照客顏
風光淡沲最相關
不知射雁村邊草
綠過溪橋第幾灣

雙鳳山寺

閒來暫許叩巖扉
樓閣雲深接翠微
三面青山一面水
隔林隱隱見僧歸

莊忻字虛庵陽湖人乾隆戊子副貢官邠州知州

送蔣健之出塞

清秋幕府集嚴霜
愛子從征赴朔方
遼海文章師李賀
帝城書札累陳湯
觚棱金爵三生夢
關塞青楓萬死鄉
何日雞竿看肆赦
還家猶得作臺郎

徐天柱字擎士又字衡南號西灣德清人乾隆己丑一

甲二名進士授編修有天藻樓詩藁

詩話德清徐氏自蕪村宗伯而下五世入詞館西轡復繼起曹地山宗伯贈以聯日前生慧性摩鱗角六世清聲

龍井

幽竹一碧風篁嶺芙蓉疊疊靜如影危崖忽轉天光開涼
風吹我入龍井怪石牙錯天梯鉤疑有老龍蟠林邱樹杪
百泉流不斷老龍噴珠落天半巫簫蠻管紛駢闐共願老
龍醒不眠肥蠶旱魃不敢出仰見黑雲四面遮青天靈山
萬古爲民福汚邪處處箐車祝仙人煉丹幾千年丹成何
濟荒年穀甘霖頻歲沛郊坰不須禱祀仗神靈但使雨陽
慶時若老龍無靈同尺蠖

陳嗣龍字紹元號春漱平湖人乾隆己丑一甲三名進

士授編修歷官左副都御史

遂平館舍和褚筠心前輩韻

幾日看紅葉重來蔭綠天霜華憑點綴樹影得清圓讀書
雲生壁敲詩硯滴泉僕人貪偃卧那解愛便妍

旅跡原泥爪翛然客思增林深遲夜漏風細颭秋鐙小憩
何嫌久迴闌取次憑皇華期報國作賦敢言能

鄭際唐字大章號雲門侯官人乾隆己丑進士改庶吉
士授編修歷官內閣學士有傳硯齋詩藁

送林心香南歸

作客歸云樂別人秋最難青衫仍短劍黃葉滿長安薄宦
淹微祿餘情昵古歡寄言慰石友此諾未應寒

伊朝棟原名恆瓚字用侯一字雲林甯化人乾隆己丑

進士厯官光祿寺卿有賜硯齋詩鈔

詩話雲林自少潛心理學從同邑雷翠庭副憲游得其指授通籍後浮沈郎署垂二十年晚躋卿寺逮得風痺疾未及大用嘗就養子秉綬惠州官署屬邑奸民謀亂提督標兵與之通秉綬捕獲渠魁請嚴治忤大吏意劾遣戍雲林據實具疏將上聞遂並被劾聽勸亂既熾大吏倉卒自裁代者至勘得白復起秉綬知揚州一時想望風采詩亦風格道上吐屬莊雅於晉安十子後能自樹一幟者

黃瘦瓢山人 慎 歸自江南賦此索畫

扁舟醉遍秣陵酒華髮歸來猶夢思春水綠波江總宅夕陽紅樹小姑祠六朝往事吟詩遍萬里長江入畫奇最好白門煙柳色請從東絹發枯枝

過白溝河

蓼岸平沙盡日揚蹇驢孤客意茫茫白波一道通滄海紫塞千盤阻太行雲暗故山天共遠風清首夏草初芳瓦橋

關北頻年過莫照淪漣兩鬢霜

東城看杏花

月河寺前水滄滄聚星亭外草凝碧春郊一夜微雨晴曉
起紅芳俱弄色紫駟緩鞚出高城風拂青絲雙玉瓶幾簇
江頭初破萼一枝牆外半含英石壇花盛爲誰供姪姪會
聞董生種道土董定字杏園見虞道園集白頭閣老醉看花紅袖傳詩共
吟諷殘劫恩恩五百年暝雲綠水花依然繁香疑是仙家
植浪蕊浮花何足憐尊前花恐薄寒中春雨江南人似夢
高格芳心愛者稀清吟與和流鶯啣

海淀次浩持韻

沙平草淺古牆根秋潦初消剩漲痕馳道如弦煙滿樹高
樓臨市水當門人家荷芰仍千頃帝里桑麻自一村更向

勺園尋往事，頽垣猶護籜龍孫。

送浩持之官江淮

班馬蕭蕭向路歧，殘年風景雪飛時。
梁園詞客無多在水，驛梅花有幾枝。
萬里洪濤消瓠子，一鞭斜日過符離。
才人綰綬年方少，合有河隄使者知。

讀書

勞謙神所勞，德以儉爲柄。露臺惜百金，雕牆乃有禁。
忍飢憶炙羊，愛物真仁聖。惜福福來崇，君慎臣宜敬。
奈何百爾汰，昏不知德行。蠟薪乳蒸豚，淫侈風競勝。
來瑱與李鼎，實爲前車鏡。見素俗還淳，檢欲神安定。
見道德經大造惡驕奢，凡百其敬聽。

風雨上於天地，不擅功名。

語本繁露

無成代有終，臣道惟利貞。

鬼神實福謙天道常惡盈勳高多亢悔菹醢及彭英淮陰
功震主奚復誇智能亞夫顧尙席驕憤何不平主非忌寡
恩臣自昧寅清李曾戒齒剛孔亦鼎垂銘誰從赤松游千
春仰鴻冥

汪刺史守愚修元遺山先生墓詩以紀之

金源有詩人文采兼亮節瓣香紹坡谷夕秀啟虞揭同時
李汾與辛愿頰首敢頡頏孤臣念君國白雪盈華髮青城
閱古今日望蔡州泣國亡不復仕著書自怡悅遺墓傍五
花七字表荒碣閱世五百年白楊風淒咽殘碑牛礪角華
表採樵折耕稼魏公莊後嗣誰撫卹忻州值賢牧異代弔
往哲新營文獻祠杞菊薦蠲潔吾讀中州詩仰止先生切
賸欲驅車遊遺像晉拜謁振衣野史亭憑眺延山月悵望

寄千秋此願空蘊結

雜詠

君子同而異黨伐古人惡高密富詁訓吾道已東著禮堂
百萬言惜哉半殘蠹文公起南宋大道回其庶六經日再
中一掃彌天霧義勿徇鄭王言或刪申固絲衣之辭豔妻
朱子從毛而舍鄭七日來復王弼解爲七月先甲先黨同
庚鄭皆與王異朱子又舍王而從鄭此類不可枚舉黨同
不可爲立異豈宜務要在關荆榛廓如歸正路康成固可
宗援緯得勿誤辦香接洙泗金宜紫陽鑄後儒袒漢人徒
刳五石瓠

夢游廬山得句醒後成之

碧峯傑出南斗旁敷淺原邊曾一望

乙未冬日過此未暇登

別來廿

年忽縈夢匡君招我採芝洞我時手攜綠玉筇腳底踏破

雲千重雖無冷然御風術濟勝尙能登砭磳廬山之高兮
高如上青天上有九疊青冥之巖嶠下有九支繚繞之長
川水簾迷舊谷瀑布尋開先何人身立箕尾上手挈銀河
倒瀉青峯巔天風飄蕩吹不斷江月空濛照愈鮮千巖萬
嶂數名勝迴崖沓嶂適幽興簡寂庵空落照來淵明醉石
霞高映青葱佳蔭竹樹多參天松柏纏女蘿草堂尙見苔
滿砌墨池猶想煙籠波蓮白睹龜游杏紅遣虎守鹿祁祁
以成羣烏嚶嚶而求友五老雲深三秀馥瑤草琪花任人
取廬山之高兮高不數五岳盛唐天柱如兒孫七澤五湖
似杯杓指白馬於吳閭小朱方之城郭捫參拍井無尋尺
俯見盧敖升碧落松根有仙坐賭棋橘中藏叟歡留博欲
求駐景方贈我長生藥還精補腦鍊金骨蚪鸞游戲千春

樂吁嗟乎人生樂事本有涯
夢魂猶靳酣煙霞一覺仙山
比幻景松筠猿鶴何之耶
古來萬事皆如此蝴蝶華胥
皆夢耳匡君匡君途已熟
從今夜夜夢應續數椽真欲
結峯麓中有藏書堪借讀身
閑長抱白雲宿

九日舟中

豈不慕吹帽其如羸病何
花香開愛晚酒冽勸嫌苛
葉落寒江闊猿嘯翠峽多
佳辰偏草草勞者自興歌

懷羅浮

浮山自海來附羅峙爲一號
離明之陽官爲耀真之陰室
與茅山而潛通捫女牛於屹
嶠洞穴微寶衢海靈紛雲術
十大洞天此居其七于焉逍
遙古多羽客安得仙家綠玉
杖拄到峯巔壯游畢我所懷
兮峯之東巨人之武留仙蹤

冲虛觀外有丹竈欲往從之雲蒙蒙我所懷兮峯之西延
祥寺高七星迷五百羣真會華首欲往從之道逶迤我所
懷兮在山北酥醪觀亦葛仙宅學道長期謝世緣欲往從
之煉金液我所懷兮在山南長壽觀望通天巖銅龍暗虎
守戶側欲往從之結蒲庵我所懷兮山之頂上界三峯峙
若鼎石樓聊憩雲滿身來往鐵橋僊接引三千餘丈狉天
關八埏三島一覽收全景稚川爲我師更遇黃野人乞得
丹砂訣洗伐全天眞毒龍可制害馬空自古聖賢道皆同
受基曾此鞭青虹大還丹轉坎離融吮鼎犬亦飛雲中羅
浮便是仙靈窟奚必侈談蓬壺崑閩與崆峒

書尙書古文孔傳後

魯恭王壞孔子宅絲竹之音出四壁中有古文維尙書安

國得之如拱壁奏朝擬請立學官巫蠱事起遂中格公孫

嗣位耽名律博陸不學遺經籍昇平尚亡三篋書武帝事况

值漸臺兵火迫古文之亡當在此時張霸偽篇紛然淆七緯書尤聲

赫艷白水真人亦好識明章後始垂典冊馬鄭大儒皆讀

緯誰從孔壁探舊策高密未觀真古文遇所引書皆註逸

典寶鳩方贖鼎陳汨作九共爭指摘何人私獲安國書匹

夫懷璧深藏匿永嘉之亂戎車逼浮江遂逐五馬迹斯文

天道呵護深先聖神靈永珍錫至寶誰呈喜璧全豫章內

史梅名隴黑白辨矣定一尊釋文正義確不易陸德明孔穎達皆以

孔傳為真六朝以來無間然千餘年人心帖懾劉氏知幾著史

通亦為古文立赤幟帝王之道本於心中多二帝派傳嫡

豈惟淵雲夢未窺董賈猶為戶外客何物小儒作疏證邪

辭欲奪談經席毛氏亦好詆前賢儀禮妄思辭而闢說詩

斥序考亭功毛力攻朱如勁敵獨爲此書樹屏藩十日羅

羅應紀績

毛西河尙書古文冤詞分爲十日足闢閭百詩之口

吳壽昌字泰交號蓉塘浙江山陰人乾隆己丑進士改

庶吉士授編修歷官侍講有虛白齋存藁

嚴陵釣臺

嚴灘片石舊漁磯隱士曾經入帝畿應悔羊裘招物色釣

師祇合著蓑衣

邱二至山孝廉藏古墨百十二家既以顏其齋丙戌

春入都時於寓齋出以觀客屬余紀詩

吾友古聞人好古富詞翰長安居再徇城東張高館訪之

榻無塵圖史堆几案須臾陳錦匣未啟手先盥中藏舊隄

糜斜整不可亂形模盡琮璧款識雜銘讚幽香與古光拂
拭難爲判子觀故用嘲君癖同好鍛胡不圖博古彝鼎爭
愛玩否則譜書畫宣和跡重按抑或錄金石庶用資講貫
正史訂既訛舊聞證未散斯乃膠煙姿歲久成漫漶廷珪
永已矣是物無長算邵羅暨方程孰爲諸家冠卽今重曹
氏紫玉等旣灌著錄冀流傳質亡名誰惋矧乃置不用什
襲加防扞何如之五都一丸購新纓持以狎丹鉛塗改復
點竄有用賁珠璣無用賤薪炭君笑直至矧謂予苦相難
同一嗜古癖奚爲分畔岸寓意不留意昔賢片辭斷所聚
雖我好不假澁囊換品羅百十二持贈居其半以彼膠漆
交獲此雲煙看浮生恰與偕摩娑生璀璨不受卽墨封不
學子墨謾行將守吾齋心清參鼻觀奈何米家船揭牌逞

汗漫感君達士懷媿子言河漢五陵事裘馬知白孰爲贊
我非豪奪人完歸復何憚

贈百十三歲老人王司業南亭先生名世芳字徽德天台人

國家太平古無比仁壽紀年百餘矣弧南一星位丙丁牛
斗之墟夜芒指翁家天台瀨小海風俗淳樸致堪喜是間
淑氣厚鍾毓特爲盛時彰瑞美百齡孝子翁先人秩視更
老榮鄉里翁尊人名承沂有孝行諸孫膝下羅來昂翁見壽百有三歲授官八品諸孫膝下羅來昂翁見孫六
代其享期頤克家子翁子長者年近九十自言少時膽氣粗報仇夜
斫賊營裏瘡不辨血模糊至性所生非聊爾中年折節
伴螢蠹兀兀窮經作髦士揮金但學管甯鋤決踵肯慙原
思履闌干苜蓿廣文甌九十六齡得官始秩滿朝天獲晉
秩其時歲適逢辛巳次年屬車莅吳會率先黃髮清塵俟

耆儒屢邀天語褒綽楔宸章鈴寶璽邇來國慶正稠疊率
土普天皆鵲起去年翁至坐蒲輪親祝聖齡習拜跪篋貯
上方麟趾金衣裁內府鵠頭綺今歲慈甯開八袞翁切呼
嵩復至止香山圖繪今昔同天子推仁首尙齒再看頭銜
賜新換御題榮寵沾蕃祉優禮無殊隆憲乞懿嘉洵足著
惇史翁爲人瑞古所無如雲五色芝三藥長身七尺清且
癯行不支筇坐不几擘窠書成慣贈人箕疇一壽義取此
翁多書壽字
如擘窠大山程水驛詎云遠十年三踏長安市長安紛
紛聚冠蓋識面籤鏗與李耳我生四十猶壯年視茫髮蒼
負強仕苦求急景免凋顏每乏奇方學洗髓對翁長松古
柏姿蒲柳凡材安足擬吾聞天台山高萬八千丈中有石
室金庭共崩嵬第一洞天記道書草多長生藥不死欲從

翁覓翁不言但言神仙之術荒唐非吾以乃知壽民關壽國導引延年無其理不然正當王母介福帝臚歡豈無控鶴駮鸞先翁降金凡

題馬香谷所藏王履吉借券手蹟

雅宜山人品最高夙尙邱壑懷清操陶謝詩格力摹古鍾王墨妙勤揮毫爾時吳中盛風雅從容壇坫來英髦袁家伯仲文父子一門名譽無凡毛山人結交殊不俗往往觴詠稱吾曹卽憑遺券證往蹟姓氏落落參翔翺券中借主爲袁與之居間爲文書承因思山人潔持已不苟一介防貪饜乞米大夫豈得已與錢司業非濫叨相須緩急亦偶爾約劑貸息心勞勞此非財賄屑計較或懼嫌隙由錐刀名流瑣事昔爭羨高人絕藝今重遭我觀筆勢特勁逸戲鴻舞鶴離塵囂流

傳片楮等尺璧不待碑板光難韜往時長史判牘尾公庭
賺取滋喧嘈將毋此秀亦類是那忍焚折傷堅牢馬君吳
人僻嗜古所好物聚煩爬搔有時傾囊破羞澁索及賸錦
搜殘膏其鄉佳話奔行篋紛羅題識追風騷慎無展卷起
三歎金盡復來聊自豪

任大椿字幼植號子田興化人乾隆己丑進士授禮部

主事歷官御史有子田詩集

詩話子田以上第屈居郎署纂修四庫書禮經哀輯
爲多經學訓詁晚益邃密早以詞章擅名詩工樂府
及五言英光沈思遠
退鮑謝近攀韋柳

平望道中

出郭星已闌解纜潮將歇燭滅蒲塘深去棹何忽忽宿酒
破餘醒西風吹殘月乍別易懷人欲寐屢搔髮如何將客

心一樞雨絲白

春日東懷王叔華

咫尺山河見面疏游情空似馬相如懷人夜雨搔雙鬢孤
館桃花到尺書贈我明珠藏錦篋知君歸夢在園蔬芳洲
擬送江南樞更向春風問起居

天門開

天門開光煜燦流紫壇輝日壑仰帝闈橫斗杓珠熒黃相
璣錯皇駟騫騰格澤同薄歷次十二畢會其絡拂鈎陳九
旻翻游極下闔端門圓靈躍乎金穴羲曜起於天根火齊
爲階玉砌垣中有銀潢貫其藩乘雲駢駕鸞輶裔裔詆詆
往若疑神光漉蔚臚所知如歷中垣卽靈威金薄華蟲擢
鈐綏丹書綠字天語奇用衷姬德錫乾儀聿撫九有萬億

期

雜詩

鴛言游廣陌樓觀何煌煌飛螢倒薤垂反宇陰蚪翔文綺
交四隅玉壘羅中央交錯盡三爵起致丈人行朝暮異今
昨襟帶成參商愁人易爲樂短歌亦能長毋辭桂醕傾繼
以蘭膏光香檀撥冰柱春醪炙柔簧樂闋眾賓散起瞻天
雨霜

伯牙師成連神契良獨難移以寥廓情置諸恂悅閒遂撫
白玉軫俯仰時一彈孤桐自有調大海自有濶願言心所
契忽復忘其端樂苑工笙竽應節舞七盤朱絃祕不發中
心自盤桓

白馬篇

少年氣概雄坎壈亦因之親舊爲我謀直視無一辭別有
不移志不敢生餘思顧馬馬頭昂爲我窮四垂萬里何足
虞尺步良易歧心忌不能下能下才愈奇自謂探榆塞安
知入焉支按轡不輕入久立審所疑開弧聽朔風側見陰
山低慮定神乃縱一往誰復羈彼亦羽林客上下從我馳
乃知自立者何取驕人爲少年無深謀休用此驍騎

泛舟城北入山水深處

揚舲展佳興回望石首城路迴狀頻變意愜迹反輕入峽
若無地過壁湍漸平馳情眺絕島已發疑未行涼颺過兩
巖空翠微有聲潺湲忽在上仰見大壑橫深溪曉逾靜咳
嚏皆分明密竹轉孤權初日淡已盈迴艫返舊渚歷歷想
所經夙耽謝公癖逸境終難名

晚泊江口登燕子磯

近暝泊迴渚舍檝步山陬過寺地逾曠近壁磯忽道巖寂
語易喧日遠聲如留船火乍通陸夜漁忘故洲初至俯近
林旣定聞遠流落月與江邈去去神夷猶持此蕩塵慮延
佇情悠悠未謝秣陵境颯然驚暮秋願延阮公展領此山
林幽

眞州道中望瓜步諸山

晨光薄晴靄鼓枻玩清漣小因風湍息遞望瓜洲山不惜
邈難見易見姿不妍低峯看易盡獨愛峯際天中流乍回
首杳渺眞州煙展眺興難竟擁楫思綿綿

鮑之鍾字雅堂一字禮鳧號論山丹徒人乾隆乙酉召
試授中書己丑進士歷官戶部郎中有論山詩藁

詩話雅堂爲海門徵君子乙酉召試第一以初月賦
爲劉文清所賞後官郎署與洪北江吳穀人趙味辛
唱酬法梧門稱爲詩龕四友北江評其詩如
崑崙琵琶未除舊習蓋詩派趨向不同也

廣陵中秋待月

竹西高館坐披雲霽少陰多客思紛秋到此時剛一半月
從何處得三分鐙殘別館和煙溼葉走空階雜雨聞似有
簫聲橋畔路酒闌惆悵杜司勳

晚抵彭城渡河

亂山行欲盡落日大河橫水長頻移渡隄高半掩城黃樓
迷處所白塔最分明暝色沙橋路弓衣數騎行

題謝薌泉侍御金焦放舟圖

謝公只愛東山住未識金焦兩點青何似稱詩狂御史相
將放櫂古中冷天空鏡吹驚秋籟波靜魚龍避使星我自

孤蒲慚舊隱十年孤負草堂靈

暮抵潭橋寺

峯峯帶夕陽候已落日背參差樓殿影遙山藤蘿外
白石灣豁開青蓮界鬱然松檜深金剎山門大撞鐘千指
集洗鉢諸天會遂登般若壇一覽眾峯最暝色到來遲蒼
崖猶可繪尋幽非易竟日夕亦云惘一覺到僧牀潺湲枕
邊瀨

歷游三山大悲諸寺

山深趣不窮寺古荒亦妙我來值秋晚霜葉紅如燒徑曲
遂幽尋峯明宜遠曉坡陁土下竺願落東西廟白塔出寺
林紅亭圍碧沼蒼黃非一狀巖壑各爭峭嶮外遞鐘聲雲
中間語笑興餘留不盡佳處求其要返景入空林濛濛子

規叫

贈嚴冬友

淮南秋杪見飛鴻，
草屨無端接遠風。
海內有情吾輩在，
天涯多病幾人同。
殷勤酒盞違官閣，
珍重吟箋託釣筒。
柳色已殘梅信早，
憑誰折寄慰恩慇。

丁卯橋邊舊有村，
維舟相訪值黃昏。
客愁近轉山陰楫，
鄉夢遙連白下門。
雲暗西津分雁影，
月明南浦失潮痕。
林泉此日方游藝，
翦韭何人共夕飧。

沅陵七夕同德樹堂江上夜坐

天涯此何夕，
斜月一鉤圓。
共坐清紈上，
還噴碧藻間。
魚龍潛澤國，
燈火動江關。
竟夜看雲度，
雙星帶楚山。

潘奕傳字守愚號稽皋晚號三松老人吳縣人乾隆己

丑進士厯官戶部主事重宴恩榮賜四品卿銜有三

松堂集

詩話榕泉殿試以第八卷進呈引見不至降三甲末
初官中書劉文正指之日此杜老所謂天子呼來不
上船者後猶子芝軒相國登第娶秋帆歸與錦
爲題句有云天子呼來不上船元臣諾語一時傳
標奪得全家喜棖獨前塵廿五年中歲歸出壽躋大
畫優游林下凡數十載詩皆和平閒適高致可挹

出都口占

久病倦於客思親應自歸敢希宏景志庶息漢陰機
放雁驚人起孤雲傍岫飛片帆秋色裏直指舊漁磯

趙州南金山寺小憩

長路晨曦赫高亭大道遮閒參獅子座來喫趙州茶
砌繞涓涓水盆開豔豔花峨嵋談往事笑我尙思家

荊州懷古

秋入江城暑氣微參差屋瓦帶斜暉渚宮煙冷蘋花老沙
市風清燕子飛南渡功名人事異三分割據霸圖非曲江
樓上憑闌久一片濤聲上釣磯

信宿鎮遠

落日依闌坐西風掠鬢絲城臨苗子砦樹隱竹王祠邊微
秋生早危岑月上遲輶車何以滯邀我賦新詩

程易田鄭公釣臺卷

富登渡口懸厓石岌嶮凌波勢百尺師山垂釣非釣名壁
立清風緬遺蹟忠宣舊鎮皖公山大書突兀留孱顏至今
精氣兩不泯仰止齋邊時往還剡苔誰識闡幽意鐵索金
繩露奇字作記還聯翰墨緣哦詩重話滄桑事斜日林巒
遠靄生眼中漁弟與樵兄當時萬事歸變滅但此雪藕留

虛名殘篇剩墨嗟零落石田篁墩老巖壑湖岸菰蘆風雨
斜草堂竹樹雲煙絡橫幅摩挲興不孤新圖舊刻好重摹
人間俯仰成今古此畫此詩何可無

移居詩

勞生織路不常居廣廈千間願總虛屏跡此心齊木石安
神無夢到軒輿南阡東陌游非遠紙閣蘆簾意儘餘莫笑
腐儒家具少阜廚還有未看書

巡檐徙倚眄庭柯鳩拙居然占一窠敢覬逍遙重闕館不
妨安樂襲名窩操鋤初謝王承福種樹新延郭橐駝幽興
漸添秋漸爽退翁心事未蹉跎

張埴字商言號瘦銅吳縣人乾隆己丑進士官內閣中
書有竹葉庵集

詩話瘦銅與翁輩溪孔洪谷游喜考訂金石書畫詩
才秀健後乃出入山谷后山每作盤空硬語王蔭泉
取其詠新豐云百家雞犬英雄宅萬歲枌榆故舊情
夜宴云花露半晴題卻扇人扶殘醉唱迴波稱爲工
麗而病其時有打油釘鉸之習洪北江亦謂其詩如
廣筵招客間雜屠沽各有愛憎正可得失互證也

峽江縣

縣城此荒迴旅泊良可哀山勢自南來江聲臨北開野人
伐苦竹落日銜層臺秋風銜石壁天漢清無埃酌酒看鴻
雁憐渠同我來

黃金洲

秋草沒野渡日淡黃金洲水鳥具靜態腳踏煙波浮不知
何所驚又飛十步留人語尋巖際風力迴沙頭豁然帆勢
盡一落空山樓

次新安縣

縣城孤迥護重關天許青山四面看紅柿人家沙路淨白
楊風色澗聲寒馬留破驛其成東人上荒臺月半九一宿
恩恩便將去料無遺累到豬肝

古北口

地盡中原山天挂秦時月喜峯連居庸夾此青砗砢一騎
容關門千秋幾戰伐沙清走野兕日落剩飛鷁乃見長城
下僅卧白頭卒近來關內民關外來耕垡冥冥古樓堞荒
荒無邏訐真笑前人忙龍蛇膠鬲敵

次三道梁同述庵通政對月并題其詩卷後

看月山梁山翠無月中相對話榮枯十年慈母雙行淚萬
里歸裝八陣圖名士縱橫能仗劍詩篇強硬亦彎弧慰忠
祠記蒼茫在又爲知交一歎吁

李因培字其材號鶴峯晉甯人乾隆乙丑進士改庶吉

士授編修官至湖北巡撫

詩話鶴峯入詞苑兩邀特擢不數年卽至闈學出爲學政先江後浙更歷四任屢遇巡方奏對必稱行旅開府楚中乃以未洲屬吏虧帑遽坐欺罔傳重比竊其初終受知甚深擢禍亦甚酷裕陵馭羣臣恩威不可測如是

清平縣

山縣孤城破流官守禦逼天風搖斷角客路入征鼙小醜三年在殷憂萬里知側聞明聖詔罪不到邊夷

歸思

池塘午夢正依稀離緒頻隨柳絮飛廿四番風花欲半八千里路燕難歸癡門天上通青瑣蘿屋山中冷翠微不去不鳴緣底事眼前梅雨又侵衣

蒹庭學字菴渙亦字景魚宛平人乾隆己丑進士歷官

陝西漢興道有塞垣吟草

春夜

春夜掩柴荆耽吟夢未成窗風生暗籟檐雨亂疏更一硯
磨人老孤燈達曙清城開南嶺霽煙翠半江橫

伊犁謫居十有三年間有放歸之命感賦

雪嶽雲看塞上過甌鄉詩得室中哦事無可覈殘書少足

未曾經幽勝多博望遺聲想笳吹柳州續響壯鏡歌廢材
幸博新衙賜十載惟期養易儲

王

庭學自王寅遷謫伊犁王
子授主事衙距今甲寅十

張翹字鳳颺號桐園武威人乾隆己丑進士歷官湖北

荆宜道有念初堂詩集

夜宿掛村

一望人煙少孤征近夜昏鐘聲何處尋客宿半山村草響
蛇尋穴風腥虎過門平生愛巖壑今日始銷魂

陳朗字泰暉號青柯華湖人乾隆己丑進士歷官撫州
知府有青柯館集

楚江返櫂

兩止月未上蕭蕭楓葉丹柁聲放留急帆影入雲寒村酒
難成醉旅愁耐可寬扣舷何處客漁火在前灘

送姚姬傳郎中歸桐城

君非不得意欲返龍眠山此日辭青瑣先期放白鷗甯食
解帶樂爲戀舞衣斑斑水流千里郵筒寄莫慳

朱初蘭字秋漪南昌人乾隆己丑進士改庶吉士授知

縣厯官承順同知有愚惜山人詩鈔

晉州感興

隔歲久行役登臨欲語誰秋聲鼓子國日落魏公祠霜意
推冬令笛聲生暮悲遙憐蘆蓼岸正是雁來時

魯仕驥原名九皋號絜非江西新城人乾隆己丑進士

官夏縣知縣有山木居士集

詩話絜非治行文學並著於時其文之樸厚在西江
諸家中足以上掩三魏甥陳碩士侍郎初從受學後
傳惜抱之法正實處或不
及也詩爲餘事要歸醇雅

秋夜客懷

人生遠離苦最苦秋夜闌况我孱弱息終年背鄉關悠悠
日復日會當何時還時至氣候變得毋衣裳單衣單固足
念所期日加餐皓月照庭隅徙倚生感歎

寒蟬號高樹蟋蟀吟羅幃此時涼風起蕭蕭入深閨君子
遠行役悠悠我心思容華不足念但感久別離舟行願無
波車行願無泥驅車望鄉邑歲晏當來歸

庭前紫荆樹豔麗正著花如何風雨至摧殘忽交加枝葉
半顛頽葆養此根芽人生骨肉情覩此足歎嗟亡者既已
矣在者客天涯及時莫遠游丈夫當懷家

晚晴移詩匯卷九十三終

晚晴移詩匯卷九十四目錄

吳鎮 二十二首

謝震 十首

周光裕 一首

鰲圖 四首

紀曾藻 二首

邵颿 二首

田均晉 四首

張雲璈 七首

張鶴 二首

萬廷芮 二首

鄭洛英 一首

劉塏 二首

和瑛 十二首

馬慧裕 一首

邵晉涵 七首

錢澧 十七首

林澍蕃 十三首

吳俊升 一首

程晉芳 十三首

龔大萬 一首

孔繼涵 四首

李長庚 一首

方昂 三首

陳昌齊 三首

龔景瀚 七首

洪樸 四首

常紀 一首

楊懋珩 二首

晚晴移詩匯卷九十四

徐世昌

吳鎮字信辰號松厓狄道人乾隆己丑舉人歷官沅州

知府有松花庵詩草

牛空山曰余官西陲十年從吾游而能學吾之為詩
 者得一人曰臨洮吳鎮其言曰古期漢魏近體期盛
 唐合而衷諸三百篇師其意不師其體鎮誠狂者然
 其用意亦健矣袁子才曰余見江甯尉王柏厓詩
 頗不類近人問所從學乃知有松厓先生楊蓉裳牧
 雲州寄松厓集來宋詩家不名一體可謂集成惟集
 萬物而為言於唐宋諸家不名一體可謂集成惟集
 中有乾蝴蝶詩聯篇累帙古名家所不為又曰唐
 高駢節度西川調廣陵詠風箏云依稀似曲才堪聽
 又被風移別調中松厓官山左調楚詠懷云阿婆經
 歲撫嬰孩飢飽寒暄總費猜才得呱呱真痛癢家人
 又報乳娘來兩意相同余雅不喜陳元禮逼死楊妃
 過馬桓云將軍手把黃金錢一矢何曾向祿山亦兩意相
 同云桓桓枉說陳元禮派稱盛如孫豹人李天生王
 幼華王山史諸公未易更僕數余宦游南北得吳子

信辰之詩

歎其絕倫

詩話關中詩人盛於國初而隴外較遜至乾隆間松

厓崛起與秦安胡靜庵錢並執駢壇牛耳靜庵詩尚

樸健名位未顯松厓則才格並高研求聲律故其詩

音節尤勝歸林下後孳教蕭山書院裁成後進頗有

繼起者當為西

州詩學之大宗

葛衣公祠明史作河西備又一作補鍋匠建文時逸

遺命火友其骨俟西南風至揚之魯家如其言祠

在今平番縣以華亭包節陪祀節亦明御史以直

諫諍平番者

江南杜宇影飄瞥萬里滇蜀號不絕羣鳥相從羽毛折夜
夜三更口流血葛衣老子爾何人十年飽噉松山雪問之
不答姓與名仰天長嘯中如結乞食來往金城市補鍋鋸
笛手皴裂相逢河西魯朱家杵日訂交詎親切堂上擊筑
堂下吟矐目傭人泣幽咽遺骨不歸中原土西南風至煙

灰滅允吾古祠薦松肪鐵面梗齋陪俎列弔客莫歎葛衣
單海枯石爛臣心熱

題哥舒翰紀功碑

李唐重防秋哥舒節隴右浩氣扶西傾英名壯北斗帶刀
夜夜行牧馬潛遁走至今西陲人歌詠徧童叟漁陽烽火
來關門竟不守惜哉百戰雄奸相坐掣肘平生視祿山不
值一雞狗伏地呼聖人茲顏一何厚毋乃賊妄傳借以威
其醜不然效李陵屈身爲圖後英雄值老諄天道邁陽九
終焉死偃師曾作司空否轟轟大道碑湛湛邊城酒長劍
倚崆峒永與乾坤久

候馬亭歌

漢武望馬如望仙恨無桂館通祁連汗血千載化龍去至

今候馬空亭傳空亭一望連沙草極目長天但飛鳥君不見子卿憔悴少卿愁英雄盡向鹽車老

范烈女歌

女三原農家子已字人將笄矣而其父與壻家皆貧值歲歉議更嫁之女遂赴水死

事在乾隆十五年

范烈女生何許乃在嵯峨之南涇川之澗天不可移父難忤曲池水清兒心苦白蓮夜深作人語下有鴛鴦嘯匹侶吁嗟女兮哀千古

昭陵懷古

大風起九嶼慘澹昭陵日黃土闕元宮內有龍鳳質伊昔隋氏亂文皇乘時出揮劍掃浮雲有如鷹隼疾論功褒鄂小造意劉裴失惜哉更衣孽仙李幾不實么麼崔乾祐敢當黃衣叱陰兵鞭石馬汗血晝流溢茫茫升遐地俯仰意

蕭瑟何世無英衛白頭卧蓬草

華嶽

二華雄關右三峯插斗杓彈冠司寇肅抵掌巨靈驕日月
相遮隱風雷自次寥金神秋執鉞玉女夜吹簫帝座鉤梯
接天門箭括遙船開花十丈雪挂瀑千條客偶談禽向予
因訪偃秀蒼龍森欲動白鶴似曾邀仙醞留人醉雲衣作
蝶飄攜詩慚謝朓作霧晒張超山鬼投秦壁村巫憶漢燎
甯知王景略絃誦雜漁樵

鞠歌行

倚劍望八荒不知何故忽悲傷黃雲萬里無斷續中有古
時爭戰場英雄一去不復返摧頽白骨歸山岡而我徒爲
生六翮憔悴不復能飛揚君不見流光迅速如驚電壯士

一夕毛髮變

蟲蛇不在井豺虎不在堂
枳棘不在路崇厲不在場
胡爲勞我軀年年去故鄉
故鄉此日好風色雛雞
咿咿桑榆側欲憑遠夢
赴鄉關坐歎行吟眠不
得君不見狐死必首邱
依依桑梓令人愁試看
淩煙古圖畫誰哉蕩子
曾封侯

黃金臺

驚風走急沙孤臺鬱突兀
中有千古意立馬不能發
燕昭昔下士黃金堆日月
始隗卒收功大道留殘碣
夕陽過客盡崦嵫浮雲沒
把酒醉望諸悲歌動林樾
茫茫紅塵內鶩蹇競起
忽生駿尙難求何由別
朽骨

反招隱

太古不往來九州一村
落巢由競買山何處容
猿鶴君但

隱其心金門有邱壑

太元洞懷古贈張孝廉南峯

唐孫思邈
隱居處

阿廢亂天紀四海生疴瘡
太原真龍飛凋瘵迴春陽
飄飄孫徵君肥遯際隋唐
妙術起白骨還丹日月長
茲山實邁軸警蹕過其旁
六龍舊轍跡草木增輝光
迢迢太元洞靈怪闕奇方
五月懸火鈴涼風不可當
張君此讀書負笈仍裹糧
邀我五臺上酌以流霞觴
君才如古人巢居成文章
攜手醉翁石天風動衣裳
山鐘忽告夕歸騎下巖廊
迴首望煙谷松蘿更蒼蒼

哀陳堂邑

赦

及其弟

元櫟

悽惻陳堂邑吾曾一見之城空作亂後身死去官時河岳
留青骨旌竿笑赤眉香令隨杜宇噴血上連枝

黃鶴樓

江城風月總如斯，尚有仙樓占古碑。
黃鶴倦看人醉酒，青蓮應笑我題詩。
十洲花謝雲空返，三戶煙消水不知。
惆悵秦關何處是，憑欄多在日斜時。

三閩祠

三閩祠近楚王城，芳草年年繞砌生。
雷雨若通山鬼路，丹青宜榜水仙名。
西鄰狼虎原無信，南浦蛟龍豈有情。
莫以獨醒看衆醉，一尊椒酒爲君傾。

武昌雜詩將之沅州任作

客意含秋色，臨行慘不舒。
雖看衡嶽雁，猶食武昌魚。
澹月窺囊裏，寒雲送簡書。
江邊古黃鶴，縹緲更愁予。

挂席雄風在，吾將涉洞庭。
乾坤萬頃碧，今古數峯青。
月落

魚龍寂山空草木靈
遶迴南去路屈賈舊曾經
嵐翠環城郭高齋待我登
溪蠻皆士女山鬼亦賓朋
聖鯉唐韓愈刑蛟蜀李冰
爲官不廟食後世有何稱

杜鵑

怨鳥憶三巴
嘯痕溼露花
休言歸去好
歸去亦無家

解組

罷郡衣堪典
誰言酒易賒
繩牀留待月
鐵筆擬評花
朱鳳仙人宅
青牛柱史車
淒涼千里夢
無夜不還家
官似遠游客
才輸新嫁孀
十年塵碌碌
一笑海茫茫
悽惋成詩妙
牢騷對酒狂
甯知葵藿性
冷暝向春陽

送楊荔裳中書揆從軍

峨峨雪嶺與天齊
縮蝟毛膠萬馬蹏
多少詩家談覽勝
幾

人曾到大荒西

蓬婆城外月彎彎
陟屺行人望早還
原上春令沙上雁
作書先報賀蘭山

謝震字甸男侯官人乾隆己丑舉人官順昌教諭有樓

桃軒集

詩話甸男與恭甫太史同舉於鄉論學尤相得恭甫題其詩後有石渠高議經師盛惟遲匡來與說詩之句卒年甫四十著作皆未就僅有禮案二卷四書小箋一卷詩亦典麗雄渾置之左海集中幾不能辨

登凌霄臺

中夜清興發探幽散塵悃
本與青山鄰況茲良朋綰
褰裳躡危梯側身陟層巘
苔滑露下深天高雲去遠
俯首眺南溟浪闊魚龍偃
萬古長鴻濛憑誰問混沌
松風颯然至衆竅相往返
平野驅波濤羣山奔蜿蜒
震眩不可留爽籟吹

下坂攜手歌歸來柴門月色晚

核桃店早行

秋風客子忙何太孤館殘燈悄無賴疲驢齧草吻有聲飢
鼠拱鏡眼全眯京華年少多冠蓋中原匏落空塵壒寒霜
照影束衣帶殘星墜水踏清瀨月黑深林鬼語悲泥蟠石
磴虎跡大時驚短褐樹榼挂偏留餘寐馬頭磴運舛惟愁
塵世隘途窮早視死生泰茅柴村店試澆春初陽一綫寒
山外

酬汪儀曹

炎曦正爾憂蘊隆祝融忽遜元冥功太行劍脊溢天外銀
山倒壓鼉鼉宮陽侯奪國竄東海螭象無主奔狂蹤新鬼
舊鬼聚市哭南村北村孤桑空先聲鼓氣吼屏翳烈焰助

勢燒豐隆我時隱几愁兀軌惟恐倚杵傾蒼穹銳齋先生
有道者長安索米嗟幾窮竈突不墨墨衫袖庖輝無肉肉
魚蟲奔走蟬蠹伺虎豕被服孔鄭餐歐庸況此天公惡作
劇屋漏灌頂泥搏胸妻孥號號交徧謫心知理屈應以聾
自詡此祕世莫曉遠示好友郵之通我較先生更長策趨
避早越蓬萊東日長豈得免詢晉馬耳自不謀東風先生
官職稷嗣君先生經術胥子弓賢豪尙苦旦夕供何況擔
簦負笈從經蒙作詩藉答聊一哄平原霞尾倒景獵獵搖
深紅

漁梁懷古

四山合沓青巘岒清溪一綫流潺湲戰場中開五千步斬
王曾此梟凶頑嗚呼靖康之恥胡可舍大寶竊據儕元姦

禁苑錮閉理亦得尙恨南內非天山誰遣女將軍而達孟
家蟬臨安城夜絕瓜步江朝沿一日三百三日千江淮義
旅浹旬集鐵券迫賜徒爾然苗劉授首憤已雪子雩議廢
甯非慎古云孝薄厚於慈今看慈薄孝可知黃龍痛飲已
觸忌建儲之請胡爲乎格天閣中片紙出夜半直墮長城
師清涼居士早知此驢背青山看湖水背鬼軍散事無成
老卒看花歎晨起

仙霞關用周櫟園先生韻

窄徑盤紆入亂峯翠微深鎖碧芙蓉松關束隘風爭捲溪
漲摧輪水廢春紅葉煎茶供客話綠筠書字記游蹤年來
倦甚東西路惟有看山眼未慵

關門憑眺躡危途懷古深嗟大厦扶一旅親提空憶李三

藩潛構竇通吳清江捲甲軍飛迅步障徵歌事有無欲問
興亡舊時迹夕陽惟對戍樓孤

參差旗勢萬峯長擬似孤雲兩角張山骨錐幽窺石炭瓜
皮駛溜落松香樹間人語傳空際煙外鐘聲出上方到此
俗懷都滌盡塵纓那用濯滄浪

南山雨氣北山通薄靄孤村霽色曠甕雷窺天煙補隙笕
泉藹澗木剝中雲根漏日前峯幻磴脊緣霄左擔工贖有
琴書餘一束年年泥爪認飛鴻

得恭甫杭州書

接來三月上旬書讀罷新詩感有餘鹽鐵漫聽桓氏論治
安羣笑賈生疏參軍巒府嘲鸚鵡措大荊州賤鯽魚壯志
銷沈只如此相看白髮已盈梳

蹉跎

趙北燕南轍幾過
駒光馬迹老蹉跎
羈愁中酒綿三月草
色隨春入九河階
下簸錢工姪女堂
前挾瑟豔秦娥風
情已作蕭郎減目
極寒空自浩歌

周光裕字衣谷號春帆天津人乾隆庚寅舉人歷官山西布政使署巡撫內召鴻臚寺卿有萊猗山房詩草喜金曉巖明府自宜川來晤

總角交難得彈冠先後時
舊痕衣上酒新影鬢邊絲
宦从心逾怯情深遇恨遲
妖氛猶未掃努力在今茲

鰲圖字伯麟號滄來漢軍旗人乾隆庚寅舉人歷官江蘇按察使有習靜軒集

來鶴堂靜坐

明刊宋言國卷之十一
龔黃李杜千秋在三十年來結念深詩欲調高先養氣官
求民信早捫心夢魂憂此黃河水憔悴勞於白首吟文教
未行河未復慚疏吏治愧儒林

網師園看牡丹卽席有作

網師園中何所有半畝牡丹大如斗美人睡起繡被堆妃
子歌殘小垂手日照赤城霞散綺雙成在前飛瓊後須臾
鏡上錦屏開萬點明星落窗牖腰支瘦損倩風扶薄醉盈
盈一回首主人好客列華筵琥珀光凝杯上口金裙玉珮
浴中花雲合星聚人間友晉卿雅集圖長留太白春游文
不朽名花名園以人存風流我輩終不負

蔡村

一夜秋風起輕羅已覺涼微雲孤曉月疏影瘦垂楊近水

魚蝦賤沿隄車馬忙京東人語熟入耳更思鄉

偶吟

視事竭其思撫民盡乃心心思所到處澤已被之深網羅
開一面獵不窮山林萬物留有餘生機見古今

紀曾藻字文溪號小癡文安人乾隆庚寅舉人官思恩
同知有小癡遺臺

在荔浦憶永福縣宅

傳舍恩恩又促裝苦思水竹卽滄浪霜痕染樹紅躑躅山
影浸江青鳳皇鎖印恰當開甕後放衙時到小橋旁牙章
虎節南關路記取先生舊草堂

與王老圃夜話

春寒側側怕登樓凍雨殘雲似暮秋良藥誰爲養生主小

詩還可伴牢愁風湍卜築思嚴武火色功名讓馬周與子
對牀論劍術也能飛鞚試吳鉤

邵颿字無恙號夢餘浙江山陰人乾隆庚寅舉人歷官

金匱知縣有夢餘詩鈔

詩話夢餘工詩頗自珍視袁簡齋居金陵夢餘以詩
質之所論不合乃不復與談亦不再示人故致力甚
深而知之者鮮

宮怨

花發長門又一春守宮檢點臂紗新捲簾通得昭陽月閒
話琵琶出塞人

筌篔引

洪濤射日河流渾一叟披髮狂而奔鼉鼉攫食翻層雲呼
公無渡公不聞中流無人水忽立河邊婦人對河泣恨妾

不渡公之前公見妾死公當旋

田均晉字康侯玉屏人乾隆庚寅舉人官中衛知縣有
魚樂軒集

循黑山而東望賀蘭諸山

盪盪賀蘭山黑山山之尾山石殊礪礪山形何倣詭聯絡
受降城襟帶黃河水月竈大蒙人乳酪此趨止聞昔勝國
時河套逞姦宄非無濟時才長城實自毀於今百年間職
貢盛筐篚所怪巖壑陰積雪夏常晡朔風捲地來塵沙障
天起豈惟昧朝昏兩目苦先眯人生行路難沾襟方陟岵

游白塔山寺

紺宇煙霄上芒屨翠靄間一聲雲裏磬萬疊檻前山遠樹
懸殘日長河繞故關因之悲往事斷碣剔苔斑

勝金關

地自古西夏關門驛路通人家荒磧外樹色亂流中斷嶺
皆趨北歸雲祇向東郵亭聊小立輕颺酒旗風

金城關

驚濤急浪打城頭獨上河關百尺樓遠樹不遮千里目青
崖白嶺古涼州

張雲璈字仲雅錢塘人乾隆庚寅舉人官湘潭知縣有

簡松草堂集

趙雲松曰仲雅學博而才雄思精而筆
銳馬秋藥曰修潔玉立詩稱其為人
詩話仲雅先世本海甯陳氏為後於張家承闕閱又
為稿文恭之婿梁文莊之甥濡染有素居官慈惠時
稱張佛子生平慕袁簡齋趙雲松故取搜神記語以
簡松名其堂然所作斂才就範出以修潔是能取趙
袁之長而不襲其流弊者

河間

兩度城邊過驅車斥堠長九河無故道六藝有賢王老木
風生虎平沙石卧羊當年暴公子繡斧鎮巖疆

景州

滿目悲行役憑誰問苦辛寒聲催白雁鄉淚積黃塵淀外
冰猶壯營邊柳不春由來燕趙地慷慨說佳人

戊戌正月十二日與兄話別邗關

津亭攀柳一分黃去住無端各自傷顏色定知殊惘惘前
程如此太茫茫久憐京國多塵夢似望并州作故鄉白髮
衰親好持護客中最憶是高堂

相府蒲桃歌

相府蒲桃根似舊傳自相公親手種相公種此纔弱齡七

十日名言卷之二
二
十餘年歲華共蛟龍拏攫庭之隅風雨終年任捲舒千條
慣舞流蘇影萬顆疑垂照乘珠中台星拆方逾載丹旆南
歸遠言邁公子都依堊室居官僚空指沙隄在苑中早墮
綠沈瓜隴上俄來元甲隊綠野堂虛少客行平泉花冷無
人對螢照徒從幽徑明燕飛時有重簾礙窗前鸚鵡綠無
聲座上珊瑚紅尙碎質春廡任別人來朝天鬪向何時待
庾信居然宋宅游杜陵早動房池慨遽令小草失春暉不
使清芬有遺愛葉葉還同路柳芟枝枝翻作甘棠敗我曾
讀書此樹下小院房櫳最清暇每見春時起蟄根嫩綠離
離堆滿架月中清影過牆來雨後輕梢向空亞合教馬乳
酸新醅一斛涼州夜光瀉豈知轉眼不堪看無復餘陰覆
臺榭相公平生有清德物玩從來不少借定知此樹戀公

恩同公榮壽還同謝我思手澤空怍怍未免今昔縈心情
不及當年崇讓宅牡丹猶伴玉溪生

顧晴沙先生詩家歌

君不見萬山下沈石一片當時誰識征南面千年而後或
在山陵谷從來有遷變又不見唐求山人一个瓢貯以詩
橐江中拋爲祝斯文不沈沒得者自識吾心勞從古名心
不肯死姓氏長教堆故紙骨雖已朽力可爭所志區區只
在此晴沙觀察旭光操選政隱然以詩爲性命對此如逢桑

梓恭采來似奉翰軒令選詩既畢還梓詩梓之不盡終有
遺錄取精華置糟粕其詩自在當聽之欲將騰橐投水火
素齋居士崧言不可請從劉蛻文冢例藏以元宮位置妥

一杯黃土函精英深山夜黑風雨驚青燐燐燐來相迎冷

光閃爍如有聲如有聲不能語多年故鬼小於黍彳于寒
空淚如雨吁嗟乎文字潛幽氣不滅漿酒寒澆心尙熱請
看一字二字閒猶是千痕萬痕血我聞嘉會惜未逢今請
一言陳賈公昔人有詩集會藏佛寺中何不將此置之龍
光塔呵護仗彼諸天功旃檀香辟蟬蠹走波羅巾拂煤良
封安知五十八卷無人續來補先生所不足不教滄海有
遺珠更遣藍田還種玉沙中再揀幾番金椽外時逢一枝
竹但令死作燄如虹莫便生將劍埋獄我願告君速開壙
定有精光一齊放得書不比汲郡人發邱且學中郎將

浮山禹廟觀山海經塑像

江都縣治西有石同培塿得毋類地肺或可比石紐巍巍
白馬兒廟貌建已久鼎旣鑄神姦上復範妍醜門前諸塑

像奇怪得未有土功徵狸力水祥見長右畢方火爲訛聞
磷風是吼鍾山燭龍潛平圃英招守鶉既怪多足羗又笑
無口山高雅善詈釘靈徒解走三年出象骨十日炙女丑
神鼓雷澤腹帝斷刑天首一搏居有窮九山食相柳蚩尤
弃桎梏貳負遭鑱鈕凡此諸異物其理難細扣歧舌何能
語反膝安可蹂船或坐而削絲或據而歐魚或海上捕蛇
或耳中受不知歲常然抑或事有偶無啓既已死何以心
不朽夏耕既無頭何以走厥咎女尸化蕃草譬若柳生肘
淑土處栗廣不異身橫畝陰廊風雨青虛室神鬼黜森然
來搏人駭駭張血拇令我不敢前頗覺驚心陡昔讀山海
經疑蕃不能剖是書所由來云出伯益手自宜比禹貢同
爲百篇取崇伯有世系乃爲駱明後羽淵化黃熊燁渚復

是否考之於諸書不合十八九上甲微王亥況又殷事狙其說皆荒唐直可覆醬瓿每思起九原質之文命后龍威遁甲書從此多紛糾祖龍見神人漢武宴王母皆於此濫觴奇說相煽誘安得崑崙墟開陽作干掖不信乘吉量遽有千秋壽歸來眩心目萬怪踰戶牖且操東向杯帝漿以爲酒

黃鶴樓

秋色西來萬里蒼憑高極目楚天長羣山直到荆門綠斜日平添漢水黃鸚鵡隔江憐處士蘭茝無地怨孱王我曾跨徧揚州鶴一例神仙事渺茫

張鶴原名鈴字嘯麻號陽扶卽墨人乾隆庚寅舉人福建候補知縣

詩話嘯麻少時嘗夢至海島島上茅屋三楹顏日嘯
麻一道土坐室中示以瓦有二十字曰爐內雪味融
鏡中花香細云何能攝心禽之
制在氣因以爲字並作詩紀之

晚次黃河厓聞角聲
西原日落戍旗黃暮色人煙兩渺茫誰倚秋風吹畫角黃
河厓上月如霜

特勝巖下作

奇峯有此碧嶙峋得到應無塵世人隨處寒苔皆鶴跡多
年禿樹總籠身雲中吠犬生虛籟天半吹笙集上眞擬陟
層巔通問訊空山或有葛天民

萬廷芮字漢吉號荻鄉南昌人乾隆庚寅舉人官安福
教諭有是陶軒詩藁

過太子庵

八大山人晚
年流寓於此

明
湖光十里長芙蕖一片清風似雨餘綠竹可憐高士宅青
山難得好僧居阮公歌哭來歧路張儉飄零到草廬風景
何堪人去後灞橋容我再騎驢

初夏寄夏煦園

只合頑金鑄閬仙當歌猶得故人憐置書懷袖將三歲作
嫁裁衣竟十年到岸山光看雨後過江人物想風前登臨
是處成陳迹粥飯拋時再問緣

鄭洛英字耆仲號西瀝侯官人乾隆庚寅舉人有恥虛
齋詩鈔

江行

去去更誰適孤舟又短篷天長風易怒村晚樹尤濃雲凍
不成雨燒明何處峯故園歸未得歲暮尙飄蓬

劉墉字爽亭又字儼人順天通州人乾隆庚寅副貢歷
官大理同知有宦游吟

思茅九日

九龍江靜虎聲哀白馬山空象蹟迴滾滾怒風驅瘴去瀟
瀟愁雨送秋來一年形狀羞吹帽萬里關河懶上臺拌取
殊方桑落酒強浮今日菊花杯

澧州旅店

雁到瀟湘總北還更誰南去過荆蠻親朋有夢來相問野
店蕭騷夜未關

和瑛原名和甯字潤平號太庵蒙古旗人乾隆辛卯進
士官至刑部尙書諡簡勤有易簡齋詩鈔

詩話簡勤公爲吾師席鄉豕宰曾祖乾隆季年以內
閣學士出爲駐藏大臣嘗撰西藏賦山川風土源流

沿革探摭綦詳詩鈔道光初刻行吳蘭雪爲序余從
厥市得摹本五册有燕庭藏書小印蓋劉氏嘉樹移
故物也

嘉平月護送參贊海公統軍赴藏

萬里烏斯藏千層拉薩招班禪參妙喜達賴塵囂叩額
諸番控雕題百貊朝家家唐古特別蚌屬庭臬

化雨真無外三汗舊獻琛

巴爾布舊有三部酋長一日布延汗一日葉楞汗一日庫庫木

汗康熙間納貢爲三汗與藏地通貿易

穴爭同鼠雀蠻觸起商參未許千錢

贖何難一戰擒

五十二年巴爾布乞降遣頭人納貢

聖朝同覆幬黑子已輸

忱

青海諸番道兼衣夏月過冰天無汗馬雪嶠有埋駝地險
達般嶺天通穆魯河鳴達蘇屹老

過此卽西藏界

超躒快如何

百騎巴圖魯千員默爾庚珮弧隨月滿長劍倚霜鳴失策

憑垂仲喇嘛能卜者名垂仲拋戈恥戴綳番目領兵者名戴綳由來古佛國持護仗天兵。

東俄洛至卧龍石

朝發東俄洛山坳布羣髻迢迢大雪山萬頂覆銀甌皎然無黑子寒光射酸眸絕頂矗鄂博哈達紛垂旒乃有高日僧蹋雪迎道周敦多伽木嗟紅帽薩迦流瞻帷獻酥茶聊以金帛酬西南循烏道玉沙畫而修前驅烏帽沒乃知下危溝蒼松密排拶萬幢懸碧油峭壁五色燦連岡四面幽宿宿卧龍石夜半魂夷猶

中渡至西俄洛

朝渡雅隆江浮梁乃舟造山谷爲我廬又入西南奧深林蔽天日人迹眞罕到凜冽刺毛骨蜩縮馬牛踔小憩麻蓋

日知錄言卷之十一
中有如出冰窖誰知鏡海上雪比琉璃曜日華炫素彩護
眼青絲罩卅里波浪工白霓愁遠嶠所欣陰曠合絕頂快
覽眺四圍山卧平萬疊雲垂倒僕從忙戒嚴此間多劫盜
潛居黑帳房長年無井竈弓箭各在腰刀劍時懸鞘斯言
咄可怪我乃粲一笑飢戶守荒山荒山多虎豹呼取來壩
來爲我作嚮導

宿頭塘

阿喇伯桑西喜宿頭塘早罡風搖板廬孤枕雪壓腦挑鏡
不成寐默坐紆懷抱硯凍墨不濡指直筆敲倒今夜莫吟
詩吟詩定郊島呼童膺復眠起視漫天縞郵番促晨裝長
絳麓牛套且去問前途冰鏡滑如掃

木鹿寺經園

華夏龍蛇外天西備六書

唐古特字甲噶爾字廓爾額字厄訥特克字帕爾西字合之蒙

古字重

譯六書羌戎刊木鹿儒墨辨蟲魚寺建青鴛古經馱白馬

初何如蒼頡字傳到梵王居

班禪額爾德尼燕畢款留精舍茶話

法筵肅肅開雁堂
釘坐目食盤成行
葡萄庵羅兼糖霜
饌饌陳黯餼頭僵
藤根割割乾羊鳩
盤茶杵牛酥漿龍腦
鉢盛雲子糧麥炒
豆醋孟釜量金薦
榻並獅子牀有如
巖景對若光須臾
樂奏鼓謙鏗火不
思配簫管揚偃童
十人錦絲裳手持
月斧走跳踉跄應
節和鏘鏘和南捧
佛幣未將哈達江
噶加縹緗花毬霞
氎兜羅黃檗蒲伊
蘭螺甲香主人顧
客樂未央願聞四
果阿羅方客曰養
心妨虎狂孔戒操
存舍則亡出入無
時慎其鄉佛傳心
證明煌煌瓶

穿羅縠雀飛揚儒墨相整理相當定靜止觀歸康莊卽心
是佛眞覺王主人笑指河汪洋我鑽故紙君吸江

題路旁于闐大玉

喀喇沙爾東一百八十里烏沙克
搭拉軍台路旁有大玉三大者重

萬觔青色次者八千觔慈白色小者三千觔白色
置於地合弁云此玉運自葉爾羌西將以入貢嘉
慶四年二月奉旨截留毋庸
呈進今四輪車亦毀於此

詔棄于闐玉埋輪蔓草蕪來從西旅道採自罽賓隅駕鼓
勞天馬投淵卻海珠何如此頑石罷役萬民蘇

不刻摩崖字光明帝德昭瑞同麟在野喜見鵲來巢崑璞
依然古羌戎逸矣朝鬼神牢守護莫任斧斤招

題巴里坤南山唐碑

庫舍圖嶺天關壯沙陀瀚海南北障七十二盤轉翠螺馬
首車輪頂踵望高昌昔并兩車師五世百年名號妄雉伏

於蒿鼠噍穴驕而無禮不知量寒風如刀熱如燒易而無
備胥淪喪賢哉柱國侯將軍王師堂堂革而當吁嗟韓碑
已仆段碑殘猶有姜碑勒青嶂豈知日月霜雪今一家俯
仰騫岑共惆悵

過昂吉圖淖爾鹽池

夙沙初煮海粒民五味厭青齊伯圖繼江淮巉政添奇哉
祁連頂天池珠漾簾停車問野老野老語安恬此中饒白
鹵往來勞一杓輪臺不淡食萬斛充閭閻官無權稅擾民
無私販嫌售錢斗三十八口溫飽兼予聞野老語斂容感
至誠玉華漉北詔水晶鬪南巖山南百里名鹽山口不費
產鹽如水晶堅於石揚竈烈更省火井炎地道不愛寶頓教水石鹹天道施美
利絕塞民夷霑敲詩笑東坡三月食無鹽

馬慧裕字朗山漢軍旗人乾隆辛卯進士改庶吉士授
主事官至禮部尙書諡清恪有河干詩鈔

喜復得雪

前日風迴雪沾濡恐未齊一番重灑落幾寸徧高低井邑
豐年穀山川息鼓輦何當呵凍筆歡喜更標題

邵晉涵字與桐又字二雲號南江餘姚人乾隆辛卯進

士改庶吉士授編修歷官侍講學士有南江詩藁

詩話二雲經術湛深著爾雅正義發明故訓在四庫
館搜輯薛氏五代史各條皆標明所自出近始以原
藁刻布詩多古意蘊蓄既深發聲自遠

秋夜作

英英西山雲霏霏被高樹明月無餘暉飛來落何處江草
日蕭疏江花淡容與想見羽衣人乘月披雲去卽目媚芳

華孤懷感羈旅雲中君不來風鈴夜深語

五岳挂胸前不掩青銅鏡起看天宇光星河長耿耿俠客
騁雕鞍幽人理瑤軫冉冉孤蘆中秋水相與永誰將一縷
絲持作千年競屋角曙烏唬砌下吟蛩靜

五月芰荷花七月芰荷葉花葉不相依雲水不相接故人
萬里餘迢迢鴻雁蹟不感故人懷怨此清秋節

萬柳堂

橫雲池館已荒涼衰柳今依選佛場細路獨來尋曲澗孤
亭無主倚斜陽蘆搖霜氣飛千點雁逼風稜併一行惟有
西山肯留客溼嵐如畫石橋旁

似聞春露濯靈姿上客先拈白鳳詞花氣撲筵香是霧歌
聲吹夢雨如絲我生已晚悲前度樹豈能言感昔時日暮

明開卷之四十四
陂塘迴瘦馬碧雲黃葉去何之

觀二樹山人畫梅卽和題畫詩韻

青袍筇竹淨無埃萬點疏花腕底開想見銅坑風雪路倒騎驢背獨吟來

誰見靈蚪布格奇遙從雪海望迷離能吟空際疏花點只有朱三十五詩

錢澧字東注號南園昆明人乾隆辛卯進士改庶吉士

授檢討歷官通政司副使復授御史有南園遺集

詩話南園以氣節著其詩書畫皆卓然成家姚惜抱謂和珅自張威福能訟言其失於章奏者錢侍御一人而已又稱其詩蒼鬱勁厚得古意法梧門稱其精深博大非講聲律者所能窺洪北江謂爲當代第一人卽以詩論亦不作第二人想又云錢通副詩如淺語桑麻亦關治術無意學古人自然入古皆篤論也

宿太華寺

半壁蒼煙擁薜蘿江禽唳處晚船過樹交危磴盤青靄天
縱飛樓納白波夜不分明花氣冷春將狼藉雨聲多愁中
不眠耽幽興佳水佳山奈爾何

江南送客

楊柳西風起暮濤獨將鞍馬去江皋燕臺客到黃花滿楚
澤書迴白雁高善藥舊憐泝澣統繁聲新度鬱輪袍鴛鴦
湖水多明月知有愁心憶大刀

送輔臣宗兄赴平魯兼寄望峯

馬鳴夜火戒征車北出居庸去路餘雲勢九邊臨塞慘雪
痕三月冒沙虛民耕斷磧時登粟官坐空衙或藝蔬隔面
十年家萬里莫驚相視鬢斑如

八月十七同徐鏡秋望月

脫木西風日夜飛中庭月白見星稀瓊樓高更知霜早已
進幽風問授衣

送師荔扉之永平府

霜飈連夜飛客子待曉發僕夫起秣馬烏叫女牆月蕩蕩
盧龍闕茫茫右北平古來雄偉人幾輩騰英聲書生何足
爲往來甘飢疲飢疲不自惜足以昌吾詩來見菊始黃去
食蟹垂盡日月暗移人奄忽若旋軫予鬢無多髮變素已
三年子眸炯若星先日明曙天家近海西南游窮海東北
海水自通波日夕盪胸臆有時忽清發出聲來天風鯤鵬
兩么膺視之若斯螽所惜竹林子彭南歸向故山卧不然
競出奇迭唱與子和子去余何嗟相期在桃花何緣寫此
詩寄向天之涯

龍門作寄望峯

龍門蔽洛崢嶸兩山清伊北走經其間一年佳賞惟有雪盡
補缺壞蘇枯頑嗟此天生奇妙地偏遭剗斲丁時艱禍首
胡靈繼周豐造寺日役千僮般窮極土木意不已山靈無
術免憂患我昨南歸值晴霽周視不禁凋朱顏賓陽洞古
尙因勢幽暗故是鬼所寰奪取爲佛雕巨像青螺簇腦千
髻鬟露胸袒右盡趺坐捧以么膺鬚頭蠻門側力士倚壁
立鱗甲動肘修蛇擐肩差足比尙不一悉抹金碧填朱殷
最後黝黑視不審高處似是垂花鬢嗟此地乃作俑始餘
遂踵事日無閒有知道左一家宅巨壁鑿空成通闔側倚
傍附亦不論舉椎持鑿繩或攀一龕工就費幾許逕見連
車傾府園就中豈但司農積恐兼司寇之罰鍰氓隸何識

亦奔走金銀菽帛輸無慳紛紛似中風狂疾甚有婦女捐
釵環高簇蜂房下狗竇徧列對岸窮前灣自知奉佛以祈
福豪毛肯恤惇與鯨密文酷網連連起無辜十九填狴犴
當時豈無有識者目擊徒有悲淚潛竊議語未及脫口已

見流血戮謫豈料留遺到今日狼藉只便蝨陰姦

諸龕頗有

丐者或云盜賊夜亦棲止

像設摧折莓苔雜腥腐熏灼煙煤黷媧皇補

天尙有石誰乞補此初質還又無壯士手巨刃盡情爲我
織悉刪懿哉滕六善所職玉花翦刻一律頽回旋少覆乘
巽二抵隙投閒力丸嫻遂使山靈霍然起亭亭瑤立忘風
癢我沿濯龍池再往寒磴滑澁披凍菅鴻雁低下時留爪
高坐惜尾餘白鷗疑冰瓦狐隱不渡深罅臍有撲朔踰瑤
林玉樹各挺挺未惜埋死幽叢蘭昔者思公守洛日坦懷

待士無防閑留此縱賞屬歐謝酒車載妓來班班我行無
侶唱無和一形一影何孤孱有兄遙阻太行北極望不見
天井關荒店凍杯只獨酌燒殘燭淚花編爛撥友炙硯送
長夜敲傾紙上千痕斑重緘欲寄待明發倒身被底如弓
彎清伊對尸亦識我寒聲丙夜逾淙潺

南陽道中家力堂呼一露車並載疾行因作此詩

有棧之車晨載途日欲出地煙模糊觸輪望蹶冰頑恻一
駟一駭羸且駑登之恂恂百憂俱御乃欲速鞭而驅驅之
遇坎乃下扶吾兄意色略不殊笑謂此豈遂足虞自從陟
地門懸弧天地中身盤中珠九龍江瘴如炊鑪地厭行人
肝腦塗生還得騎生馬駒逾江河暨燕之都喀爾喀烏里
雅蘇無冬無夏衣羊狐沒腰積雪凍禾枯窺覘數數來鳶

烏此行還鄉實不圖更知他日胡底乎儻從汝意東游吳
風狂浪大舟楫孤舟中人血蛟龍須據鞍之譬久無膚移
置車上亦何輪知處身如楸株拘相與並載何驚吁我聞
兄言將兄鬚大塊勞生有是夫有如我者信非夫挽車平
地猶趨起

蔣溝用壁間詩韻

漳水冬猶濁黎城晚更孤
凍煙迷短景積雪漫荒途
衣薄煩人問筋羸仗酒扶
向來宵寐少不恨樹嘯烏

還家

代馬不忘北越禽欣南棲
游子乍還鄉恍恍意翻迷
入門見父母惜我顏黑黧
長跪進致辭行李實慘悽
爲言不足憂吾腸便藿藜
諸弟出營食顧見蓬頭妻
弟婦拜且卻小

妹嬌還曉阿長

裴氏子父母死備余家

將米歸黑鹽手並齋喜傳豆

角熟不但食黃齋堂堂七尺軀壯齒生入齊飢寒上累親
不如跪乳瓶

春雲亂漠漠春草碧萋萋我始至前村竹根鳴午雞是維
二月初萬生成已齊人情同念舊別久見未迷走視太史
公簪筆入金閨豈聞去年水飄蕩家無棲辛苦留性命還
歸理故蹊雖無完廬室幸庇舊鋤犁聞此痛五中熱淚千
行唬骨肉幾不全功名何足稽死當狐首邱生當龜曳泥
黃昏忽細雨孤鐙照淒迷叩門欣弟歸赤腳踏水泥始知
仲已遠或到武昌西叔壯頗復銳季長與我齊狂喜出賒
酒夜久滿瓶攜噴我問生事杯進不容稽人生固有窮但
恐制行低齊人饜富貴羞死妾與妻

過李氏飲

小築成何歲清尊共此時白鷗迴露渚黃蜨颺風枝鑿智
文章酷全生畎畝宜幾知麟閣畫空負鹿門期

野寺

野寺秋花滿閒僧不出門修篁通別徑流水自前村淪茗
新瓷潔焚香丈室温未堪留白首聊得坐黃昏

長風

長風動湖水黃鶴起飄飄立秋已昨日歲序逝莫要我
有百廿指難終賴漁樵計更出門去病久筋骸凋默卧念京
師長路漫迢遙尙欣人不忌所志非金貂

細月光隱隱照我做牀席瘦妻中夜歎十載久爲客未育
一男女聊與慰晨夕更知幾何歲復得同安宅昔日兩鬢

髮今一己見白從此盪區中何堪照顏色

明日具晨飯盞已無粒米堂上儻復知分責逮諸弟弟壯
各能力茹茶甘如齋時命有利鈍此意久所體遠行堪代
耕私情復何啟獨有涓涓淚沾胸濡若洗

得萬荔村王宜泉書

聯筋已傳逾大別之官幾日到隨州故鄉水沒碧雞市客
子風吟黃鶴樓豈有奇方能縮地空憑素札一將愁鐙昏
墨淡霧遮眼木落堂空霜在頭

林澗蕃字于宣號香海侯官人乾隆辛卯進士改庶吉

士授編修有南陔集

詩話香海爲鄭荔鄉外孫少孤母授之讀九歲能詩
十七舉於鄉二十三成進士入翰林出典浙試還京
遽卒年甫二十八朝士咸深惜之孔孺約爲作哀辭
又銘其墓深致悲惻集亦孺約所定古體詩五言擬

景純嗣宗七言學太白皆能具體近體詩骨幹清道
詞旨英邁其所取法在文房牧之之間使天假以年
造詣何可限量即所成就同

時閨中稱詩者無與抗手

感懷

阮公識最密至慎似埋照登高懷永歎曠觀託長嘯陶令
解形神飲酒復歌妙北窗傲羲皇南山展游眺共抱千古
心還韜至人曜余懷愧虛白彼美孰同調庭樹含幽姿奇
芬豔初發秋風吹嫋嫋生意還銷歇絕代有蛾眉皎潔似
團月高義悵不諧良辰恐沈沒偃蹇華年衰此情竟誰達
灌夫壯烈士少小負奇志揮劍敵胡兵咄嗟復讐計使酒
非所病罵座獨豪氣生平薄田蚡豈識有權貴不學鄙夫
等反覆趨勢利

西京重功名節操久不舒衛霍事權富孔匡亦迂儒惟有

蓋次公忠國真丈夫慷慨託酒狂許伯誰能拘眾賓既歡
聚仰屋長歎獻闕人朱門內歎息傳舍居

秋夕旅懷

秋聲渡江來秋風滿江水吹我浩蕩心一夕走千里千里
共清秋片心和月流今宵水上月照到鄉園幽鄉園在何
處引入愁中路落葉下紛紛浮雲拂高樹仰視浮雲歸滿
空星斗稀不知烏鵲意日夕向南飛

游平山堂

揚州二月天始晴蜀岡連繇春色生山梅向暝紅欲破千
折百折隨人行花源隔村辨花塢翠閣朱闌不知路冷春
裙屐多少年醉拂銀鞍柳邊去

竹西明月最佳處中有仙人吟舊句斷劫流風五百年一

形明集卷之十一
種消沈散煙霧醉翁逝後坡翁來當時感慨何悠哉龍蛇
粉壁今安在如此佳游能幾迴

登望湖亭

九江如髮歸潯陽彭蠡勢欲排南昌太清元氣日相撼東
南忽坼天蒼茫天垂地盡濤聲去有客登高獨延顧日出
唯看蹴浪浮雲飛不到開帆處昨夜秋風來楚關數聲哀
雁浮雲間望湖亭上一流目片片飛入康郎山眼中浩蕩
迷舊國一葉飄然作孤客波神彷彿解我懷三日送我吳
城來匡君五老亦相笑問君遠游何日回吁嗟乎禰衡躑
躑鸚鵡洲王粲獨上荊州樓書生命蹇不如意風塵滿目
多煩憂徑要江湖萬斛水洗我胸中結轡之奇愁我今欲
上滕王閣秋水長天日寥廓廣宴時無閣伯璉子安詞賦

空蕭索又欲往觀豐城古劍池拔劍卻立星離離張華雷
煥一死不復得縱有千霄紫氣誰當知以茲落莫還揮手
不用登臨更回首他日重乘萬里風騎鯨直上攀南斗

登報恩寺塔

杖策尋初地來攀第一層帆檣三楚色煙寺六朝僧塔湧
江光動臺連雨氣蒸紛紛閱年代唯有佛前燈

秋懷寄長實

搖落江南秋復深無端望遠思沈沈河橋夢入千家雨澤
國寒生一夜碁公子蘅蘭傷楚佩美人刀翦送秋心芳洲
日夕孤鴻起欲採瑤華怨不禁

江干偶詠

不覺新愁減帶圍客船猶繫水邊磯寒生昨夜初飄葉秋

明倫彙編 家範典 卷一百一十四
三
在他鄉聽擣衣江介有風常北轉夢中無路卻南歸關情
曉向亭皋望蘆荻蕭蕭雁更飛

溪行雜詠

露冷煙深江樹稀孤舟夜泊鶻聲微平沙江上寒蘆渚一
夕西風白雁飛

湖船雜吟

迢迢帆影水雲間估客乘流意自閑行到南康須刮目潯
陽門外見廬山

吳俊升字宅三號芷泉沅江人乾隆辛卯進士改庶吉
士授編修

通慧寺

蒼涼平野望招提岸蓼汀鳧水四圍石徑行來紅葉滿鐘

聲斷處白雲飛廚寒芋火僧慵慣戶冒蛛絲客到稀賸有
一灣明月在殷勤相逐送余歸

程晉芳初名廷鏞字魚門號戢園歙縣人乾隆壬午召

試授內閣中書辛卯進士改吏部主事授編修有勉

行堂集

詩話魚門以校勘四庫全書由部曹改官翰林與王
漁洋後先媲美詞林掌故不多觀也生平好推轂人
士京師語曰自竹君先生死士無談處魚門先生死
士無談處竹君者魚門房師朱竹君也効於關中舉
秋帆爲經紀其喪人皆感秋帆之篤於
友誼卽魚門之夙行信於朋友可知矣

馬陵道懷古

馬陵月黑山無路火照白書看大樹伏騎爭馳萬弩開昔
日龐涓死此處監子成名一代雄滅竈七萬垂奇功誰言
掉闔效鬼谷十三篇本傳家風當年共學交何篤牘也雖

賢消也毒遠召旋將黥刑施智不如葵難衛足忽逢齊使
竊載歸上中下駟參兵機輜車坐計勝已決強齊乃藉刑
餘威君不見張陳刎頸原相倚解印封王還切齒假頭已
見購常山怒魄空憐墮泚水石契蘭交起戰爭古來恩怨
繫功名輸他鷗鷺忘機甚汀月溪風共主盟

獨游清涼寺

祇洹出人境暇日聊探尋殘雪覆簷瓦不知春氣深稍稍
水鳴澗淅淅風生林澹然冥羣想對此松柏陰蘿月自延
賞山禽多夕吟孤亭峙空際更指遙峯岑

有懷韓伯慧

清淮握手暫逡巡鬢髮驚看漸染銀文物雕鏤虧福命江
山蕭瑟老才人孤琴泛雪誰傾耳雄劍如虹自繞身歸去

蘇閭門巷冷緣槐深映舊家春

光堯玉盃歌

疇昔曾讀浯溪詩建炎酒解詠汝蓋浮青滴翠但想像何
來玉盃光陸離文曰光堯法大篆通體瑩潔如凝脂當唇
一寸獨純赤晴雪影裏紅霞披六陵夜發異寶出製造想
自淳熙時狸奴一蹴癩者帝雖非己出誠佳兒老作閑人
謝機務忘憂便面時自怡是時戎馬稀游牧不厭偏安保
南服魚脆初陳安嫂羹雪香更進梅花粥料應此盃列長
筵翠釜銀盤錯彩鮮不知侑食徵歌夕可憶冰山雪窖天
吁嗟壽皇真令主一飯何曾忘中土岳韓去後更無人怪
底金甌缺難補卽看孝養備情文尊號堂堂媿放勳蘭棧
紅鷗芳掩冉龜兒雁翅舞續紛君不見杯羹且望分強敵

即事書言四卷之一
四
手
擁篲迎門何踧踖又不見南內悽涼蜀道歸自調龍笛教
張徽豈如聚景園中風景異引觴遙挹蓬萊翠玩好先呈
德壽宮山陵雜置溫明器沈歎重華積草痕瓊卮墮後缺
晨昏老臣淚滄雲衣溼天道悠悠未可論

次韻陳直方見贈卽送南歸

草草相逢袂遽分人中涓粹比崔羣一編綠字欣初覲三
歎朱絃久不聞春雨太繁憐作客梅花正好未留君江南
故舊知垂憶爲道沈吟對楚雲

臘日倍璞庵伯思白華習庵姬傳小巖集夢樓侍讀

寓分得連字

餘雪尙飛殘柳絮新泥欲涓錦鞍韉咨晴天作魚鱗澹選
勝筵慚馬齒先酒盞春波剛在手菹盤寒色又經年傳芭

故事深宵話排戶欣看月色連

景泰發藍唾壺歌

發藍製本拂菻國字隨音轉恆譎乖景泰仿造特精麗昨
偶把玩從西街圓儀仰俯利開闔黝光自瑩非摩措洪爐
鼓鑄僅七載漸忘邊警耽淫哇有如金花牀上坐雞犀翠
羽當前排

拂菻國多雞犀孔翠其王坐金花牀見舊唐書

衛侯設定避餘穢魏皇

吐亦生芳荻竊黃小白加塗飾湧現蒼巖古苔色海南事
事尊法輪描畫紅蓮繞香國從知如意難敲破緣以胎銅
堅不愜雲雷四面隱文章珠玉九天承咳唾寡兄此際閉
南城捉髮初無叔武迎鍍梁繡袋讒方搆牙盒金錢賞未
行鎔鐵鍵門同範器石徐唾手圖功易示喜徒傳進粥甌
復辟錄英宗臨朝謂羣臣曰弟昨日食粥無恙灌神不改揚瑤解

英宗實錄天順元年禮部奏祝

天地社稷舊用瓷爵景泰間
易以玉應否裁改詔仍之

當時備匠厠卿貳此技知經

誰攷藝錢唐司馬善匡扶寒嗽何曾忠武異翠汁貧簪授
祕方詎聞御物同頒賜吳言宰相工細唾謔語闍人示十
字多年陵塚上牛羊流沫無人誦碑記蘇勃泥青巧刮磨
區區鑑賞類宣和官人豈少靈芸淚但灑秋池化碧波

招均弼筍河小飲

炙視旋冰爐易燼連朝始是十分寒顛風繞屋作雷吼碎
月浸堦疑雪殘呵手仍煩長袖護褰帷時取故書看韭芽
細煮松醪熟可少同心話歲闌

移居

戊子二月移居琉璃
廠之火神廟西夾道

擇木孤禽豈易安每緣風勁慮巢寬眼明乍指琉璃界襟
淨旁瞻蒨荔壇室小閨人傳語競巷偏客子出車難深宵

始覺南榮好處處支窗有月看

風前小酌別花卮已是丁香破粉時知爾依人情不淺慚
予入骨俗難醫過頭竹記攜罌灌空腹榆經倚檻窺辛苦
山僧行腳慣撫筇循玩去遲遲

廠東西畔結深廬藏海微身一葉如聽鼓趨衙塵擾擾打
鐘喫飯步徐徐勢家歇馬評珍玩冷客攤錢問故書儻趁
春銚倦游歷煮茶燒筍幸過余

放歌

老夫行年五十一百無一能祇捉筆奏牘連行烏作焉官
書纂義十遺七譏姍譏訶雜然至時復關門引微疾季冬
行及仲冬畢風緊簷頭吹觜策氈簾布幄下層層宛爾重
綿裏蟻蝨詩騷子史羅滿架嗜若兒曹慕梨栗審音高下

勘唐韻斷義精粗申漢律眼底清明翳障除胸中磊砢光
怪出自有蕭閒自弗耽日日從人甘縛桎不求空山餌芝
朮不理荒園種柑橘待築書樓四五間井深汲用長繩縞
朝光熒熒花散蕊夜深沈沈燭挑聖數甌白粥可扶身三
尺烏皮足容膝視死生如經旦暮貧賤知非難人術生平
茹藥同食蜜誰信蓮枯猶有蕊蹊田正好爲飯牛啖菹行
且潛吞蛭掉首終慚出世遲白髮盈顛不堪櫛吳門煙水
一千頃何日歸舟月涓吉吾蛇尙在喜方盜吾舌猶存語
毋失窗前雪花灑蒙密起舞長歌用自逸敬枕慵騰上初
日

訪寒葭潭故居丁香作

前度人尋舊折枝出簷高格益爭奇攜家徑去眞成忍躡

屐重來勿訝遲新露柔風相掩拂疏香妙態自矜持款門
例不煩詢主幽榭聊須憩片時

龔大萬字體六號荻浦武陵人乾隆辛卯進士改庶吉

士授檢討官內閣典籍有賜扇樓草再游粵西草

衡山舟中曉望

長夜不成寐船窗小月明岸花醒酒氣人語落江聲作客
經年慣閒愁鎮日生又逢佳節近惆悵故園情

孔繼涵字誦孟號荻谷曲阜人乾隆辛卯進士官戶部

主事有紅欄書屋詩集

詩話荻谷少工詞章年十五以詠蘭詩爲時所稱交
戴東原傳其九數之學趙甌北蔣心餘皆未識荻谷
甌北寄詩曰平生未識孔巢父曾讀紅欄詩一編著
錄已登書畫册才名爭慕孝廉船荻谷有躑躅冰詞集
心餘著院本十種成封寄云我所
度曲不可不令躑躅冰詞人見之

從姪柞索蘭

幽蘭似佳人不以色自炫忽漫度微風芳馨襲庭院緬懷
湘中君含情發深眷

乞君九畹英足我三益友晴窗午夢醒疏香暗消受何以
伴蹇修一卷離騷有

瓶鞠

一花如高人俯仰謝冠蓋一花如好女丰神流衣帶淡者
非枯槁濃者非粉黛高吟詩一章薄醉與之會

煙草詩千一百字

木名以時稱草名以月主變遷物生繁乃有煙名卉核實
麗之名於義起乎事獨與燔蒸親質固異香祖燒之物爲
煙意趣不相伍遠自狄鞮來流傳徧中夏聞其初奏功厥

乃在軍旅縣軍營滇南瘴氣獨防禦遂致百年間不遺一
處所灌溉勤鞿韁藝植敵禾黍莖方合四稜虛中象福苜
幹直歧斯薺葉厚力乃聚圓橢肖甘蔗蠶龐類大芋秋老
亦作花薦紅垂嬾乳絳華形同榎匙榮兼幕芊五出差差
尖白蒂微微俯激激浮風光油油見繁臙分種法秧田晚
力侔萊圃狀竟失稽合性未辨俞跗五疋高度閣露書啟
端緒吁嗟芻豢悅謀之無厭敦水產及鬻蛤陸羞徧蹶羽
效醉葉卷萁作辛醬揉蒟草根與土毛搜羅兼敗腐此更
出新意味外鹹酸苦保蟲遐裔外國真有厭火歎煙豈蚊
母食火豈駝父噓氣雲黶隄隱身霧結糾鑽截分竹木支
持代談塵鑄金置兩端五行相尅拒碧筒象鼻彎含蒟金
蓮炬下空無當厄外圓縣扇補人心巧取材絲絲其中貯

薪傳仗煤炘頃刻氛嫗煦兩儀鼓橐籥萬彙以氣取地動
躍龍機山崩應鐘錄一氣所翕納不過分細巨吸之皸揚
赤吐之雲出嶼涎自喉舌生力於鎮領鼓頰渥上頰顙熏
灼洽肺腑翳笑髭須竈窅借口輔息息自相通响响若
相語中忽歎長風勢厲氣載努亦有嗜奇人鼻觀能茹吐
亦有狡獪材連環戲媚嫵其美在初燃並可例以酒炎虐
之逼爍溽溼斯注下火盡膏中乾蒸荔聲煎煮力竭騰吹
灰液凝乃流瀉餘氣最氤氳盤旋穴窗戶初食猶稍稍洎
茲盡率土流布起男子漸染及婦女既上概衣冠亦下逮
童豎獻酬到賓朋搜求徧窮窶好不殊北南畜不遺僻阻
如影借出入如食周寒暑如奕代寤言如儻忘喜怒或則
再三止或則日無數或相忘險喁或沈酣酩酊或云擔不

歸溼寒力能去或云吐黃水肺焦病深鉅閒有疾憎者反
訝獨齟齬裝飾豔象犀點綴太醜諷俗櫻妙翦裁累殺五
雜組時花及草蟲鍼神纖手撫零輓贖幘帛卸砌功幾許
鬪綺豔雲赧光華奕叩叩續紛各在腰擎厲騰燧屈左右
用咸宜陰陽儼分部更有擅祕藏別製摠機杼刳木作方
盃揉杷成圓筥有舟效楸禁覆羃法盃盞取潤煎錫鑪避
賊置瓦甌取食喜頻頻不復分酉午曠日而費時那自知
其故人利競錐刀竟等米鹽普頓教些須值堆積成大賈
有明萬厯末漳泉法始著馬氏淡肉果雲布散六寓遷地
豈弗良任土聲名樹兼己別本顛土更判邾莒深厚宜肥
沃淡薄在烏鹵但能辨根莖不復論所處長竿葉挨排魚
鱗任風舉杲杲暴秋陽班班燦文繡柳牙渾斑爛楮葉多

黷黷溼以藤荳膏炒以醇耐醞易然假火硝閒色陳土苴
醃糟緊結束鏤劃細分縷鏟鉤深中央銛鏃安兩鏞推盪
反覆閒筋力費腰脊高牖大車箱絡繹越縣府擻載富兒
門名目臚廣簿市墟攢細人十十復五五圭撮易一錢睇
眎猶量估真令散如煙消耗兩手拊團團坐勸引此禮其
猶醱空已靡饑涎並未撐腸肚地力與人工銅帛與竹楛
其他細碎者更難以細譜虛糜億兆民潛匿爲大蠱古聖
重本源制器戒苦窳無益之作爲迺踰閑蕩矩嗜好日遷
新竟難返淳古一唱萬千應嘗試爭忤舞非可勢力遏非
可道德杜總在作俑人一扇變齊魯入竹化青甯圓穹意
楚楚腐儒欠變通憂杞色談虎聳肩作小詩用代方言補
李長庚字超人號西巖同安人乾隆辛卯武進士官至

浙江提督追封壯烈伯謚忠毅有詩文遺集

詩話西巖偉烈精忠爲水師第一名將而詩篇翹雅有券征虜雅歌投壺之風遠集罕觀僅於阮文達學經室集中附見二詩文達贈詩原唱云儒將威名定不虛風濤千里鎮儲胥梅天飛礮親擲鼓夜月揚帆坐嶺書造得戈船浮木枊築成京觀掣鯨魚封侯自有黃金印射石將軍恐未如推挹至矣西巖和作神疑氣斂絕無武夫囂矜之習可徵襟度

次韻酬阮雲臺撫軍

開府推心若谷虛要將民物納華胥風清海外除奸臺令
肅軍中畏簡書報國自應親矢石酬知未盡掃鯨魚庸疏
何幸叨青眼媿美前賢愧不如

方昂字叔駒一字訥庵別號坳堂歷城人乾隆辛卯進
士刑部主事歷官江蘇布政使有坳堂詩集

游上方山

明詩余言圖卷之十一
懸崖忽撒手寂歷道心生一榻低眉坐諸天合掌迎風簫
來荒唄仙磬識禽聲月印千潭水分明澈底清

崇文書院訪王夢樓同汎西子湖

唾綠流澌清泚泚明妝奩鏡窺西子絳衫紅袖書幃紗竹
外漁娃三兩家大羅天上探花使爪痕鴻雪聊棲止興來
綠蟻盈紅螺王郎拔劍檀郎夢樓歌者檀郎歌臨流漱齒齒爲冷
退隱湖山推管領我亦解組歸林邱神仙郭李欣同舟

吳山元妙觀訪黃含山道士

孤廬結煙靄一榻卧松筠之子何爲者荷蓑行負薪坐看
雲葉溼剗喜藥苗新靈雨蕭然下歸歟塾角巾

陳昌齊字賓臣號觀樓海康人乾隆辛卯進士改庶吉
士授編修歷官浙江溫處道有賜書堂集

詩話觀懷分巡溫處正海疆多事與提督李忠毅公
長庚合力防禦深相結納集中多酬唱之作嘗和忠
毅韻有句云定有高文傳靈戮轉疑孺子受鶉欺自
註謂匪未就擒文員與有責焉時有援順康間舊例
議禁民船出海者觀樓力阻之民頌其德觀樓博綜
羣籍戴東原校本水經注觀樓指其詭東原爲心折邵
二雲著爾雅正義觀樓駁正三十餘條爲通人所推
挹類是其他辭證呂氏春秋淮南子楚詞皆有述作
又補經典釋文所未備別撰
附錄爲祝融所攝未及重輯

寄馮魚山編修敬昌

聞汝言愁亦欲愁茫茫身世費前籌負人自具將軍腹責
我難逃子羽頭未信華陰真有市何曾棘刺解成猴商量
一榻安心法那得人間聚窟洲
何處雞聲曉夢餘思量世事轉愁余彰身有具麒麟楮抵
掌能談鸚鵡車久結塵緣難了卻強看勝境更紛如三千
白髮頻臨鏡二字行藏問碧虛

都中除夕

臘盡復春回，愔愔歲事催。論文猶有社，避債竟無臺。舌在誠何用，酒酣姑莫哀。田園蕪未了，好與賦歸來。

龔景瀚字海峯，閩縣人。乾隆辛卯進士，由知縣歷官蘭

州知府有澹靜齋詩鈔

詩話海峯起家牧令，所至皆有政聲。川湖陝教匪之亂，官軍追剿累年，不得要領。海峯屢參戎幕，建堅壁清野議，卒行其法，遂底蕩平。卓薦入覲，方將大用，遽以病歿。時論惜之。其詩不事雕飾，性真激發，衝口成章。弔古憫時，善達民隱。尤與元道州爲近。嘗題金文甫詩草云：邇來詞壇少宗匠，屍子碌碌矜毛錐。治容塗澤取媚悅，奄然無氣如居屍。後生識見苦不卓，紛華悅眼爲所欺。亦足見其志尙矣。

延平懷古

青山蹀躞從西來，延平之城當其隈。危巒萬仞飛雉堞，高樓傑閣橫江開。大江日夜水東注，逆浪捲將山影去。峯迴

舟轉不見城雙塔亭亭鎖歸路建瓴勢扼八閩吭此地甯
曰非巖疆壯哉當年陳將軍百死不肯歸高皇吾聞有元
當季年兵戈滿眼妖氛纏鹽徒走卒皆起事平原白骨生
烽煙皇覺寺僧出淮右五載羣雄同授首將軍若使從中
原中山開平安足論甯爲雞口勿牛後丈夫固當自不朽
不然亦作元遺臣豈能俯首事他人湯公誅死廖公反將
軍若降亦不免扣舷我爲將軍歌江聲浩浩悲風多青山
綠水仍無恙孝陵松柏今如何

安慶謁余忠宣公墓

石人挑動黃河岸汝潁蘄黃先作亂二十四郡無平原守
臣望風如鼠竄誰歎健者忠宣公孤城血戰波濤中江淮
蔽障豈敢必尺寸亦以完吾忠清水塘邊公死處血化爲

燐香入土墓門松柏風蕭蕭行人淚滴秋江雨同志惟聞
泰與李元室科名三人耳晚城何似石頭城千載甯爲袁
粲死太樸當年最有名可憐國史竟無成寺僧眞誤乃公
事白髮興朝聞履聲

卽事

山邑瘠而僻古不通舟車我來當四月斗米三百餘中家
力已殫貧者將何如有司急民隱力請開倉儲惻然語眾
民爲我待須臾茲邑距大府迢迢千里途大吏坐堂皇幕
客省文書市區例供應朝夕進所需價廉米又鑿反斥斯
言誣有司默無策束手徒嗟吁貧民不敢怨忍飢對妻孥
新禾登尙早粒米眞如珠矯詔賑河內吾思汲長孺

過六盤山紀事

六盤昨夜雷雨作山東飛雨山西雹天公豈獨憐西民剗
盡田禾一何虐青者胡麻黃者麥蕎麥花開紅間白可憐
昨日異今朝敗穗殘花滿阡陌夏禾已熟不到口秋禾尙
弱更何有男號女哭向田中不望蒼天望父母長官清晨
巡所部走馬田間相勞苦回衙泣草告災書入羽星飛達
大府

正月六日安國鎮道中

積雪半遮山殘冰猶在地旭日射車窗盎然有暎意柳芽
苞欲放草色淡如睡青蔥未可言各各含生氣因思前夜
冷縮腳不成寐相去未經旬寒暄何太異物極勢必反陽
開本陰閔至此見天心因之悟人事今茲看長養暢暢羣
生遂寄語苦寒人慎勿怨憔悴

豫讓橋

漁洋山人古夫于亭雜錄謂讓從恩怨起見非天理民彝之正故其題國士橋詩云國士

橋邊水千年恨不窮如聞柱厲叔死報晉放公自謂可以敦薄余意晉尚有君讓非中行智氏之臣特爲知己死耳不得以厲叔律之厲叔之言近對亦非純臣之議漁洋薄讓而取厲叔皆非也作此

之正

志士各有立處死焉能同當時百里奚亦不殉虞公况復
晉君在虛器擁宮中智氏非其主安得云効忠士爲知己
死朋友理尙通榮枯不改節此事固足風若云君臣義天
地相始終甯論知不知報施說亦窮厲叔雖忼慨憤懣非
靖共一死良爲難惜哉言不衷

九日登皋蘭山作

皋蘭山遠在焉支之西千餘里金城城外安有此

漢書匈奴傳霍

去病自焉支山千餘里始戰皋蘭是皋蘭在焉支之西麗
氏水經注疑以爲今河州之石門山灘水入塞處也然猶

未政定今乃以蘭州城隋人不學誤題名山爲臯蘭山因

外之山當之失其實矣隋人誤以屯氏河爲毛氏清秋九

州立蘭毛氏何州大類是隋人誤以屯氏河爲毛氏清秋九

日策馬來登高遠望亦雄哉是非往蹟何足問對此茫茫

且舉杯持螯飲酒歌慷慨置身如在青天上俯視秦川一

氣中萬里關河何莽蒼丈夫未得際風雲低頭矮屋日論

文祭酒書生封侯相功名何必三將軍蘭州城外有漢霍

漢之金城郡治允吾在今臯蘭之西百三十餘里與礪伯

平番交界處故金城爲河西五郡之一今臯蘭縣乃漢之

金城縣屬於金四顧躊躇忽不樂滿目哀鴻在林薄時蘭

城郡非郡治也八州縣被災已費司農百萬錢諸君何以憂民瘼南望況

方散賑糧有櫓與槍洞庭兩岸紛屯營湖南苗匪湖北教匪猶黃河

之水滾滾從東去安得挽入湖湘洗甲兵

洪樸字素人號伯初歙縣人乾隆辛卯進士歷官順德

知府有伯初詩鈔

詩話伯初與其弟初堂少有二難之目年僅強仕生平著作多散佚存詩一卷乃視學湖北時所作伯初嘗言聲音之道與政通自古工爲詩者未有不善爲政者蓋自道其所得也

題王蓬心前輩司馬詩卷

鏡殘漏盡未停披一卷淋浪白傅詩獨坐渾忘通夜永相看又是十年遲青衫江上人還健紅板聲中酒莫辭最是長安行樂處紅牆銀漢起人思

題李畏吾烏巖圖

坐聽烏聲客自悲羸糧可悔出山時南州一檄猶堪喜東閣重來獨較遲繞樹星稀憐夜永將雛頭白數歸期天南醫指何人痛華實根心本一枝

峽口聽雨

子規嗁咽打頭風，十二巫山曲曲籠。
上峽雨從懸溜外，極天寒到暮雲中。
秋聲半落高唐路，客思淒迷蜀道叢。
等是蕭蕭時節異，江南煙侶問巴東。

蓬心王丈爲繪阻風圖疊韻奉酬

雪浪霜濤寫不難，琅玕贈我碧雲端。
夜來酒散憐肌熱，夢去江聲逼枕寒。
柔下風枝還一證，畫中雲樹亦三歎。
離情別緒君尤甚，少日中書接鳳翰。

常紀字銘勳，號理齋，承德人。乾隆辛卯進士，歷官崇慶知州，殉難，贈道銜，有愛吟草。

宿鳳縣戲爲一絕句

鳳州三絕惟餘柳，奈此依依綠樹何。
攀折恨無纖手贈，空沽村酒對婆娑。

楊懋珩字桐石江西清江人乾隆辛卯進士官平樂知

縣有傳硯堂詩存

詩話桐石年十二四卽嗜吟詠日成詩數十
首長益磅礴粵衍爭奇闢捷晚歲漸近自然

蘭溪曉發

晴江沙白樹霏微衰草荒原露未晞
永夜灘聲連野碓凌晨山色破晴暉
竿頭風急檣烏轉浦口雲深塞雁飛
遠道星霜驚屢易客程猶傍釣魚磯

補松歌爲余澹泉賦

濤聲萬壑喧晴宇虧蔽日月拏龍虎
一朝朽骨忽摧藏劈破青天半飛去
老龍訴天天帝怒下遣公來作松主
夢入神山謁天姥五色爛爛道旁土
去天一握呼龍語醒來小試補天手
百里青松一時補誰種湘源十萬松
馬氏當時

據全楚蒼髯翠鬣一千年雪壓風饕不知數自從桂父海
山游神物翻憐困童豎嶂陽孤桐焚野火岱嶽五松縱樵
斧秦碑豈惟牛羴角晉塔曾教經作礎世間吁怪何事無
有道髡黥無罪虜高冠藉足玉抵鵲鳳凰菹醢麒麟脯嗚
呼豈獨汝松淚如雨我公桂嶺停鸞驂罷採丹砂窺岫屨
竭來見松向松歎奔走諸龍手親撫搜巖剔穴萬取千補
缺拾遺十得五頓令壯觀還山川直遣花封作園圃閭閻
那更有飢寒公視松如視編戶我披補松圖有語茹復吐
安得如公十數輩布列區夏箴聳瞽雖無罅漏待彌縫或
者明堂需藻黼卽今四十尙山城醜齷甯甘膾等伍東京
大樹重馮公南國甘棠留召父君看清蔭午漸繁誰識良
工心獨苦我爲松歌松起舞春風吹作花千樹公與此松

同萬古

晚晴移詩匯卷九十四終